



¶ Hexen Weysterey. ¶

Des hochgebornen Fürsten | Hertzog
Sigmunds von Osterreich mit D. Ulrich Wolitoris
vnd herz Cunrad Schaz / weilandt Burgermeister zu
Costentz / ein schön gesprech von den Onholden / Ob
die selben bösen weyber / hagel / reiffen / vnd ander
ongefell / den menschen züschaden / machen kön-
nen. Auch sunst ihrem ganzen Hexen han-
del / wader der kumpt / vnd was dauon
zühalten sey / Vnd züm letzten / das
sie auß R. Rechten abzü-
thun seyen. 2c.

Weitlenffiger mit mer Exempeln der Alten / dann vor nie-
kains außgangen. Notwendig vnd nuz
aller Obergkelt züwissen.



Anno. M. D. XLV.

In den durchleuchtigsten / großmächti-
gen Erzhertzen / Sigmund von Österreich /
Vorred D. Ulrich Molitoris.

S Durchleuchtigster Fürst / Ehrenreicher / großmäch-
tiger Erzhertzog / deiner Fürstmechtigen gnaden
erscheint sich vnderdeniger diener Ulrichus Molitoris
von Costentz in den Rechten doctor zu allen diensten ge-
horsam. Gnedigster herr / nach dem vnd in vergangnē
zeiten in dein Fürstlichen land ein gebrestetlicher böser
verkerter weiber / die man hexen oder vnholden nent / in
gerissen / die auch darumb gefencklich angenommen / auß
argwon solichs ketzerlichs lasters gefragt / auch allerlei
gesagt vñ verjehen haben / welchs dan die gemüt der mē-
schen vast wunderbarlich bedaucht hat / das auch ett-
lich deiner gnaden weisen vermainen etwas daran zu
sein / vnd solche weiber vmb jr verschuldigung deß tods
würdig / Etlich aber vileicht vermainen die selbige ni-
chts solcher böser sachen zu können vnd vermögen. Vnd
dweil aber ich als der gehorsam deiner fürstlichen gena-
den oft gefragt / vnd durch deiner Fürstlichen gnaden
diener gebetten / etwas in meinen büchern darüber zu
besehen. Wie wol nun mir diß / als der dan mit andern
geschefften beladen ist / arbeitsamlich / Auch die mate-
ri schwer vnd groß ist / die auch die gelerten oft zu zweif-
fel reizt / Noch so die glider meins leibs zu deinem dienst
gestrickt sein / ist nit onzimlich / ob dann einicherley mei-
nes gemüts krefft vorhanden / das du dan der selbē auch
genüßest / dmit nit alleyn mein vßwendiger leip / sunder
auch mein inwēdige vernunft / die doch blöt vñ schwache
che

che ist / zū der glori deiner erleuchten großmehchtigkeyt
 vnd dienst deines gnedigē willen wachte. Vn̄umb hab
 ich die arbeit zūgefallen deiner Fürstlichen genaden an
 genommen / mit dē trost deiner Fürstlichen genaden rhat /
 in den du als ein erhöcht liecht der Christlichen Fürsten
 scheynest / Ob also einicherley durch mich vngēbürlīch
 geschriben were / zū corrigieren / Vnd besunder so vnder
 wirff ich mich der correction deß hochgelerten Doctor
 Conrads stürzel deiner Fürstlichen gnadē grossen canz
 ler / der dann in vergangen zeitten mein lerer vnd mai
 ster gewesen / von dem ich die milch der hohen künst ges
 sōgen hab. zc. Es soll aber die sach in Dialogus / das ist /
 gesprechs weiß gehandelt werden / Darinn die erst pers
 son vnder deinē Erzhertzogisten erhöchten milten na
 men. Die ander Conrad Schatz burgermeister zū Cos
 stentz / der mancherley historien auß dem brunnen da ich
 getruncken hab / auch also gesōgen hat / vnnd bey dem
 rechten / da dann also sollich verdampfte weyber
 vmb jr missethat verurteilt worden / gēessen
 ist. Vnd die dritt doctor Vlrich molitoris
 von Costentz / deiner Fürstlichen gnas
 den einfeltiger rath vnnd diener.
 Also treten dise drei in ein di
 sputacion / vnnd fra
 gen wie hernach
 folget.

Al ij Cap.



Capitula vnd fragstück dieses

Tractatus.



Unmöglich sei auß der übug der bösen weiber die man nennt die hexen/bagel/reiffen / vnd ander ongestümigkeit zü verletzung des erdreichs zü machen.

Zü dem andren / ob mit hilff oder züthun des bösen geysts soliche böse weyber können die menschen oder die jungen kinder verseren / kranckheit vnd gebrechen züfügen.

Zü der dritten / ob der mensch in ehelichem stadt müge von solichem bösem züthun an dem natürlichen ehelichen werck verhindert vnd verzaubret werden.

Zü dem vierdten / ob solch böß frawen sich selbs vnd ander menschen in ander gestalt der angesicht vñ auch sunst in ander form verwandlen können.

Zü dem fünfften / ob solche weiber können auff einem gesalbten stecken oder auff wilden thieren reiten / vñ also zü irem schimpff faren / da dan sie mit einander in wollust essen vnd trincken / vnd sich selbs erkennen.

Zü dem sechsten / ob der böß geist in menschlicher gestalt mit solchen bösen weibern sichtbarlich möge wandlen / vnd natürliche vnkeuscheyt mit inen volbringen.

Zü dem sibenden / ob solich böse weiber durch insprechung des teuffels künfftige ding vñ heymlichteyt der herren vnd fürsten können wissen / vnd die vor sagen.

Zü dem achten / ob man solche böse weiber im Keyserlichen Rechten möge verdammen vnd ertöden.

Cap. i. Ob möglich sei außübung der bösen weiber/die Deyen genant/bagel/reiffen/vnd andere ongestümigkeyt zū verletzung deßerder/ richs zūmachen.



Sigmund. Besonder lieber/wir haben ein genaigsten willen zū dir/von den Deyen zū disputiren/vñ ist vnser frag/was da in deinem gemüt von solchē lewten zūhalten sei/Ob sie donder/bagel/vnnd windt/machen können? Ulrichus. Da zūgegen sitzet Cunrad Schatz burgermeister zū Costentz/ein geübter man/vñ in seinem arguiren eben scharpff/der auch in solchen sachen als ein burgermeister vilerkennet hat/Ob dir gefellig sein würde/wolten wir den zū einem dritman vnser disputation annemen. Cunrad. Was kündte ich laischer man zū solchen schweren artickeln sagen/so doch ich nach den Worten Socratis nit wissen mag/dann alleyn mir onwissen zū sein. Aber damit ich mich zū solchem gnedigen willen naige/wilich etwas sagen/damit ich euch anzeygung gebe mercklichers zū arguiren. Sig. Sagan. Cunrad. Vnder den weisen Philosophen ist.

ein spruch/das der gemain leumbt vmb sunst nit auff
erwackse. Aber diß ist ein gemainer leumbd / das solche
böse weiber hagel / vnd windt machen / vnnnd der frucht
deß erdtrichs grossen schaden thun können. Item so
auch solich weiber angenommen / vnnnd in der gefenck /
nuß darumb gefragt werden / so verzehe das sie diß ge
than haben. Sigmund. Lynem schlechten leumbde
gib ich keinen glauben / achte auch nichts ihr vergicht /
die sie dan vß gezwang der not thün / wann wir sehen oft
das ein mensch in der not der peinigung vergicht etwz /
dessener doch gantz onschuldig ist. Aber diß wer mein
beger / mit natürlicher vrsach vnd hochgelerten / sprichē
mir züerklaren / vñ mit artlicher disputation zü bschlif
sen / was daran sei. Ulrich. Warlich die gemain vbüg
vnderkünung der welt ist nit züuerachten / wann man
spricht / das die experientz vnnnderfarnung sei ein meyster
in der sachen / also stat geschriben in cap. vbi periculum
de elec. lib. vj. Sigmund. Das die bösen weiber nichts
können / bewegt mich diese vrsach / wann sollte ettwas
daran sein / vnd diß die bösen weiber können / also lewte
vnd land verderben / so were nit not in kriegs fleuffen vil
soldener zü bestellen / wann durch ein solchs böses weib /
dem dann ein herz Frid vnd gelaidt gebe / möchte mann
on schwerdt schleg ein gantz landt verderben / lembten
also sie heut den / morgen einen andern / vnnnd were vber
alle waffen. So aber wir sehen / das sie solchs nitt ver
mögen / so mag mann wol darab erkennen / das nichts
an der sachen sei. Wir erkennen auch auß vnserm glau
ben / das alleyn Gott der herz deß gestirns vnd der Ele
ment regierer ist / vnd der dem gestirn sein satzung gibt /
vnd ale Boecius spricht / der aller geschöpfften dingern
den

de ganc̃ ihrer beweglichkeit mit ewiger vernunftt gebt.
Wie künden dann soliche böse weiber mit hilff des teufels den obersten beweger vnd regierer inn seinem regiment irren/vnd disinn eyne ander wesen bringen? Cunrad. Wiewol die jzt erzelt vrsach nit zü uernichten ist/nichtsdestminder so sthat geschrieben in der Bibel inn dem buch Exodi am sibenden capitel also / Nach dem Moyses vor dem angesicht des k̃nigs Pharaonis inn Egypten viel wunderzeychen gethan hatt/ da hab̃ sich erhaben zween zauberer/ die der gleichen auch thetten. Also befind man an dem end/ das die zauberer mit hilff des bösen geystes die wasser in Egypten betrübtē / vñ es zü blut verwandelten. Auch die frösche auff das erd rich bewegten. So findet man auch in dem buch Job geschrieben/ das durch arbeyt des Teuffels eyne herter windt auß der wüste ist gefallen/ vñ hat erk̃nirget die vier wände des hauß/ das also nider gefallen ist/ vnd dy kinder Jobi zü todt erschlagen hat. Da mag man abnemen das der teuffel gewalt hat gehabt/ den lufft vnd windt zü bewegen / Wañ der text sagt auch also / Es ist das feur vom himel gefallen/ hat die schaff vnd die k̃inde verbrant. Item/ so sthat auch in Apocalypsi geschrieben/ da sanct Johannes also spricht/ Ich hab gesehen vier engel/ das ist/ vier teuffel (der teuffel wirt auch ein engel genant) die selben vier engel seint gestanden off den vier angeln des erdtrichs/ vñ haben gehalten die vier winde des erdtrichs/ damit sie nit vber das erdtrich/ noch über dz meer/ noch vber einchen baum wehten. Vñ habe gesehen ein andern engel absteigen von auff ganc̃ der sonen/ der trüg das zeychen des lebendigen Gottes/ vnd geschruwen mitt grosser st̃me den vier Engeln/ den geb̃en

ben oder verhengt was zū schaden dem erdtrich / oder dē
 meer / Ir sollen nit schaden dem erdtrich / noch dē meer /
 noch den baumen / biß wir die diener vnser Gots in ir
 stirnen gezeichnen. Sigmund. Vileicht diß so sanct
 Johannes im geyst hat gesehen / bedeut ein gleichnuß /
 vnd vns zū ein exempel geschriben. Cunrad. Dweil
 gehört ist wie es inn Egypten land mit den zauberern /
 auch mit Job ergangen ist / vnd also solche geschichten
 vor den augenligen / so ist nit not mit exempel mer zū ar
 guiren / wann dweil man lisset das solchs vormals ist be
 schehen / wer wolt dan daran zweiffeln / das nit diß für
 ter auch möglich sei zū beschehen. Ulrich. Von diesem
 stuck will ich am ende dieses Tractats mein mainung
 gründlicher / so viel ich kann / erklaren / darumb wollen
 wir weiter greiffen .

Cap. ij. Von den gebresten vnd schā
 den / so den Kindlein vñ den menschen zūgefügt werde.



Sigmund. Nun ist die ander frag/ Ob solche böse
weiber mit hilff des teuffels mögen die menschen
verseren/ vnd ihnen schaden züfügen? Cunrad.
Ich hab gehört/ wie den kindlein/ so in der wiegen ligē/
mancherley siechtagen vnd gebrechen zü gefallen/ damit
man gesehen hat/ das vnderweilen einem kindt die nass
getrumbt/ dem andernein aug verkeret worden sei/ das
auch solche böse weiber/ als sie in gefenck nuss kummen/
dis also versehen vnd gesagt haben. Sigmund. Du
hast gehört/ das ich auff solche vergicht nichts bauwe.
Cunrad. Ich hab erzeelt ein spruch auß dem Job/ da
ist geredt/ wie der teuffel ein windt bewegt hab/ damit
Jobs kindlein zü todt geschlagen worden. Aber weiter
deshalb ist ein spruch sanct Hieronimi inn der Epistel/
de dormitione Bresille ad Paulam/ der also lautet/ Wz
sach ist/ dz vnderweilen zwei jârig vnd drei jârig/ auch
kinder die milch ihrer mütter noch sangend/ von dē teuf-
fel zerüt werden. .ic. Auß dem spruch zumercken ist/ das
der teuffel vnderweilen gwalt hat die kindt zuuerlegen.
Sigmund. Wir haben jzt gehört von den kindern/ a-
ber wie hat es ein gestalt mit den alten leuten? Cunra-
dus. Wir haben vil alter lewt gesehen francē/ lām vñ
hincken/ die da sagten/ das dis ihnen von solchen bösen
weibern beschehen wer. Sigmund. Was sagt aber dy
geschrifft daruon. Cunrad. In der Legēd sanct Si-
mon vnd Jude list man/ wie Arphaxat vñ Zarot zwen
zauberer/ mit hilff des teuffels des künigs zü Babylo-
nia rāht vnd gelert maister in des künigs gegenwertig
keyt zü stumen vnd blinden machen/ also/ das sie we-
der reden/ gesehen/ noch sich bewegen mochtē. Darnach
gaben sie jnen ihr red/ auch jr gesicht vnd jren ganck wie
B

derumb. Darumb nimbt man ein offelich histori zu ge-
zignuß/ das die bösen menschen durch hilff des teuffels
kñnen lernen / als dann den meistern des kñnigs reth be-
schehen wz. Sigmund. Aber dise meister als dann ich
verston den solichs widerfaren ist/ sien heyden gewesen/
vnd haben nit glaubt in Christu/ auch mit dem zeichen
des heilige creutz nit gewapnet gewesen. Vlricus. Wertz
du redest vernunftiglich/ wann in der selben legend sagt
man/ als darnach die selben meister bekert wurden/ vnd
in got Jesu glaubten/ auch mit dem zeychen des heilige
crutz bezeychnet wurden/ fürter mochten die zauberer
inen keinen schaden mer zufügen/ wiewol nach solichen
die zaubrer es gern gethon vnd versucht hetten. Conra-
dus. Wolan wie hat dann der teuffel Job den heiligen
man mögen verletzen/ vnd also versert/ damit Job zum
othamen mocht/ vnd was doch Job ein frumcr man/
der in dem rechten weg Gottes gewandelt/ als gott im
selber kundtschafft gab. Item so list man in sanct An-
thonis legend/ wie die teuffel in also hertiglich schlugē/
der doch ein heyliger christlicher man gewesen ist. Ab
disen historien wol zu erkennen ist/ das dem teuffel oft
verhenckt wirt heylig lewt zu bekümmern vnd verletz-
en. Sonu solichs vber die frumen heyligen menschen
gegangen ist/ darab ist wol zu arguiren/ das diß vber an-
der lewt/ dienit also heylig seint/ auch erghen mög. A-
ber damit am end eins mit dem andern beschloffen wer-
de/ wollen wir zu weiter frag treten.

Cap. iij. Ob sie einen menschen mö-
gen vnberhafft / vnd onmöglich des natürli-
chen wercks machen.

Sig

Sigmund. Tu begern wir zühörn/ ob die bösen we-
ber ein man mögen verzaubern/ damit er ongeber
hafft werd/ vnd mit seiner frawen/ dz ehlich werck
nit mög verbringen? Cunrad. Wir haben vil redlicher
gsellen gesehen/ die inn dem natürlichen werck lützel ge-
mögt/ auch solchs mit jren ehfrawen nitt haben mögen
verbringen/ Die sich beklagen das inē diß von zauberei
vnd von diser vergifften kunst sei geschehen. Sig. Die
lewte sagen mancherley daran nichts ist. Ulrich. Für-
war die geistlichen Rechtspriuch seint nicht wider diese
mainung/ das durch solch zauberei möglich sei ein man
der sunst von natur kalter natur ist/ also vergifften vñ
verhexen/ dmit er ongeschickt werde das natürlich wer-
cke mit den frawen zühben. Vnd darumb haben wir in
dem geistlichen Decretal einen besondern tittel/ de frigi-
dis et maleficiatis/ vnd darumb sagt man in Capitu-
lo/ Si per forciarias. xxxiiij. q. i. da Hismarus der bapst
also redt/ Ob von der hexen vergifften kunst/ durch ver-
hengung Gots vnd seinem verborgenlichē vrteyl durch
übung des bösen geists das ehlich werck verhindert wür-
de/ so sollen die selbigen ehlichen gemahel almusen gebē/
Gott bitten/ damit sie Gott der herr von solchem bösen
zufalerledige. Vnnd dweil diß also der geistlich Rechts-
spruch meldet/ So wer es genug zū beschliessen/ ettwas
an den dingen zū sein/ wann was die geystlichen spruch
determiniren vnnd beschliessen/ das muß man halten/
als dann geschriben steht inn capitulo/ Si Romanor-
um xix. distinct. et in capitulo de constitu. Nichts des-
ster minder so beharrent auch die heyligē Lerer auff dis-
ser mainung/ wann sanctus Thomas im vierdtē büch

super senten. di. xxxiiij. spricht/ dz auß der verzaubrung
einer also vergifft werden mag/ damit er einer frawen
vnd nit einer andren arbeyt haben mög/ also sagt auch
Mostien. in summa de frigi. das vnder weilen einer als
so ganz werde verheret/ das er mit seiner ehfrauwen
nit müge das ehelich werck üben. Sigmund. Dise ding
bewegen mich zü gresserm zweiffel/ wann diß zü wun
dren ist/ dieweil doch das natürlich werck/ ist ein gab
von der natur/ dz dann der teuffel den ordenlichen lauff
der natur soll vnderstohn vnserhalb vnwissenlich zü
hinderen. Vlricus. Nun ist nit minder dann das ich als
ein doctor vñ Aduocat auff dem Forgericht zü Costenz
bey xviij. jaren gewesen bin/ vnd sein mir solcher sachen
vil an die handt gestossen/ das ich erkent hab das die ehe
lichen frawen sich vorgericht erklagten/ wie ihr mann
nichts möchten/ vngeberhafft weren/ vnd darumb be
gerten sich von jnen zü scheiden/ vnnd jnen andre mann
zenemen zü erlauben. Sigmund. Was ward aber auff
sollich klag zü recht erkent. Vlricus. Da erkanten die
official vnd richter/ das die mann sich den geschwornen
arzt solten erzeygen/ zü erkennen/ wa von solich gebre
sten kämen/ vnd so die geschwornen ärgt sollich besehen/
vnderweilen so erfunden sie dz solicher gebresten nit von
der natur sonder von solichem bösem züfall käme/ vnnd
ward dann darauff von den richtern geurteilt/ das die
selben ehelent dannocht etlich jar bey einander solten
wonen/ vnd das ehelich werck je bey der weil versuchen/
auch allmussen vnnd andre gütte werck thun/ damit ob
sie gott der herzerhören wolte. Doch an dem endt deß be
schluß dises Tractatz/ will ich deß stuck halb mit sampt
den andren mein meinung auch weitter eröffnen.

Ob sie sich selbs oder ander leut in
ander gestalt mögen verwandlen.
Cap. iiii.



Sigmund. Die vierdt frag ist gewesen/ Ob sollich
böß leut sich selbs oder ander leut mügen verwand
len. Vlrucus. Durchleuchtiger herze/ w3 bedunckt
din gnad. Sigmund. Das sie es nit können. Vlrucus.
Warumb. Sigmund. Wann man liset in dē decret in
Capitulo Episcopi. xxvj. q. v. also / Welcher glaubt
möglich zū sein einicherley creatur in besser oder böser
gestalt zū verwandlen oder zū verkeren anders dann
von got dem schöpffer der alle ding geschaffen hat/ vnd
durch den alle ding gemacht seien / der selb ist böser dan
ein haid / oder vnglaubiger. Conradus. Was sagt
mann dann zū Virgilius versß Elogia. viij. der also
sagt / Als Olixes der Fürst von Troia mit seinen gesels
len auff dem meer wandlet / do kam er in ein Inselen zū
der künigin Circe genant / die also die frembden gest
empfieng / vnd darzwischen ein tranck mit ir heischen
vergifften kunst macht / vnd inen diß zū trincken gab/
B iij vnd

vnd so bald sie das getrunckē betten/wurde sie verwandelt in ander form vnd gestalt/einer zu ein wolff / der ander zu ein schwein/der dritt zu ein lewen. 2c. Sigm. Dises haben vileicht erdicht die Poeten/den man nicht schuldig ist zū glauben. Cunrad. Fürwar die Poeten vnd diechter seint dannoch nit zūuerwerffen/wannes sagt Lactantius/das die Poeten in ihren historien die warheyt mit klugem gedicht/verborgen haben/damit sie dannoch nit ierman kan mercken. Aber die obgemelt histori von der Königin Circe zeugt auch an Boetius der christlich lerer in dem vierdten büch de Consolatione/gar mit schönen sprüchen vnd wortē/vnd spricht/Wie wol die selben Olixes gsellen jr stim vnd gestalt verloren betten/so bleib doch ihnen ihr vernunft vnnd gemit onuerseert/die selb ihr vernunft auch seer erseuffget/das wunder so dan an ihnen ergangen was. Sigmund. Wie wol Boetius mitt schönen Worten meldet die histori so Olixis gesellen sollte widerfaren sein/dannoch hab ich einen zweiffel daran/doch mage es ihnen wol widerfaren sein/dweil die selben gsellen Heyden vñ vnglaubig gewesen/die dan den rechten lebendige gott nit haben erkant. Aber wir als Christenlich leut erkennen Gott//vnd sein durch Gottes gewalt von dem teufel erlöst/darumb vermain ich das vns Christliche leuten solchs nit möge widerfaren. Cunrad. Warlich der gleichen geschicht/redt Apulegius auch/als dann sanct Augustinus meldet/vnd sagt/das er also ein vergifftē trunck hab gethon/das ihm Lese verloren wurden/vnnd er für einen Lese wude gehalten. Sigmund. Ich hab iz gesagt vnder scheydt vnder den Christen vnd vnder den heyden/Nun ist Apulegius ein heyde gewesen. Conradus.

radus. So wollen wir fürter gohn vnd recitieren die
so dann den himmelischen gott an geberet haben/vnnd
wollen anzeygen/das den selben dergleichen auch be-
schehen sey. Sigmund. Das thu. Conradus. Was
sagt inn sanct Clement historien / als Faustinianus
sancti Clementis vatter / ein discipel / vnnd junger/
sancti Petri/des zwelffbotten was / Zü den selben zeito-
ten schickt der keyser Cornelium Centurionem dē lande
vogt gehn Antiochia/da dann sanct Peter auff die zeit
was / vnnd gab ihm inn befehl / das er allhexen vnnd
zaubrer solte vertreiben / der kam gehn Antiochia inn
die statt / darinn was ein zaubrer Simon magus ge-
nant / der dann da selbs sanct Petrum gar vast durchs-
acht hett / Also ongeferlich kam Faustinianus inn deß
selben Simon deß zauberers hauß / vnnd wolt da einen
güthen gesellen oder fründt suchen / Also begert Simon
das Faustinianus mit ihm zū abent wolt essen / der güt
Faustinianus versach sich nichts arges/vnd aß mit ihm.
Also macht Simon darzwischen ein salb / vñ bestreich
Faustiniāno sein angesicht / damitt von stundan ver-
lor Faustinianus sein gestalt / vnd sach Simon gleich/
also welcher Faustinianum anschawet / der wond / es
wer Simon der zaubrer. Vnnd geschach diß auß der
ursach/wann Simon floch Cornelium Centurionem/
der dann auß befehl des keyseris ihn wolt fahen / vnnd
das also an seiner statt Faustinianus gefangen wer-
den solt/wann Simon der hasset sant Peter / vnd was
vff Faustinianum erzürnt / dieweil Faustinianus Si-
mon verlassen hett/vnd fürter sant Peter anhieng vnd
nachfolgte / vnnd auß solichem vngunst was Faustini-
ano sein angesicht also verwandelt / das ihn weder
sein.

seine kindt noch ander erkanten / dann alleyn sant Peter. Darab soll man sehen das durch zauberey diß so einem fromen mann / als dann Faustinianus was / ist geschehe. Sigmund. Ob gleich wol Faustinianus durch sant Peter zu dem glauben was komen / villeicht wz er dazumal noch nit getaufft / oder Gott der her hat diß verhengt / damit der vngetrűw anschlag Simonis zu lob vnnnd glori sant Peters wurde erwachsen / als auch geschehen ist. Conradus. Es sey verhengt von got worden wie es wölle / so er findt mann doch ab dieser histori / das Faustiniano durch die herischen kunst sein angesicht verwandelt worden ist. Weiter so list man auch in sant Peters legend das Simon der zaubrer zu etlichen zeitten vor dem angesicht Neronis des keisers sey gestanden / vnnnd das Simon sein angesicht oft da verwandelt / also / dz er sich jertz junger / dann älter vor dem keiser erzeigt. Itz in der selben historien list mann auch das Simon magus einen gaisbock in sein gestalt verwandelt / vnd zu keiser Nero also sagt / O du grosser keiser damit du glaubest mich sein einen sun Gottes / so verschaff / das man mich enthauptet / so will ich an dem dritten tag wider auff erstohn. Also hieß keyser Nero jm dz haupt abschlahen / demnach maint der henccker er enthauptet Simon / do schlug er dem gaisbock in der gestalt Simonis sein haupt ab / vnd wolt wenen / er hette Simoni sein haupt abgeschlagen. Also nach dem samlet Simon des bocks gelider heimlich vnd verbarg sich biß an den dritten tag / da erschein er Neroni dem keiser / vnd sprach / das mann sein blüt / so außgeflossen were / solte abweschen / wann er sey also auff dem dritten tag erstanden. Solichs erschrack der keyser / vnd hette ihn

ihn fürter für einen sun der götter. Sigmund. Lieber
getreuer doctor/ was sagstu zu solchen sachen. Ulri-
cus. Da will ich etlicher lerer spruch/ die dan zu solchen
sachen dienen anzeygen/ wann sanctus Augustinus in
dem buch de spiritu et anima sagt/ wie die leut meinen/
das man mit der kunst vnd gewalt des teuffels die men-
schen verwandlen müge zu Wölffen vnd wildethieren/
die dann tragen vnd arbeiten was dann zu der mensch-
en noturfft dient/ vnd doch dannoch jr menschliche ver-
nunfft nit verlieren/ das sey doch also zu verstehn/ das
die bösen geyst nit ein newenatur schöpfen/ Sonder al-
lein machen einen schein zu sehen/ der doch im grund nit
also ist. Ab den Worten sancti Augustini so erkunt
man/ dz also die bösen geist ein gesicht vnd einen schein
machen können. Sigmund. Aber sanct Augustinus
sagt/ das doch im grund nichts daran sey. Ulricus.
Ja er redt wol auch die mainung/ aber an dem endt die-
ses Tractatus will ich klärlicher darvon reden. Item
sanctus Augustinus in libro de ciuitate dei .xviij. sagt
weiter also/ was sollen wir von der trügerey der teuffel
anders sagen/ dann das wir von Babilonia fliehen sol-
len/ wann so vil wir sehen den bösen geyst mer gewalt zu
haben/ desto vester sollen wir vnserm herzen vnd mitler
anhangen/ durch den wir von dem teuffel zu dem höch-
sten kommen mögen. Redt auch sanctus Augustinus
weiter also/ Do wir in Welschem landt sein gewesen/
haben wir gehört von denen/ die dann auß der gegne
des selbigen landts weren/ das also da zwey alte wey-
ber/ die dann stall wirtin waren/ vnd dieser böser zaube-
rey kunst wol geletzt gewesen/ vnd welcher vnderweilen
bey jnen zuherberg was/ kundten sie jm in einem Reß

zu essen geben/ damit sie in zu ein wilden thier verwand-
elten/ vnd dan der selb inen must arbeyten/ vnnnd nach
der arbeyt/ kam er widerumb zu im selbst/ doch bleib im
sein menschliche vernunft. Sigmund. An disen wor-
ten redt sanctus Augustinus von hörsagen/ nitt das er
disß hab gesehen/ vnd die weil eyn zeug der von hörsagen
redt/ im Rechte nit tauglich ist/ so gib ich solcher hörsag
auch keinen glauben. Ulrich. Eder Fürst du redest
weißlich/ hierumb so wollen wir ettwas weiter kundt-
schafft erfordern. Vincentius in speculo naturali in
libro. iij. ca. cix. redt also/ wie Wilhelmus Dalmespur-
gensis monachus in seiner histori also schreib/ Das zün
zeiten Petri Damiani sein zwei alte weiber gewesen an
einer straß/ vnd die also wirtschafft haben gehalten/ vñ
mit ihrer zauberei vnd vergifften kunst vnderweilen ire
gäst inn wilder thier gestalt verwandlen kundten/ also
begab sichs das ein junger freibats gesel zu ihnen kam/
vnd vmb herberg bath/ den sie empfiengen/ doch gleich
als bald ihn mit ihrer kunst inneines Esels gestalt ver-
wandelten/ damit sie vil güts gewinnen/ wann dieser
Esel must gyon vnd thun was in die weiber hießen. Al-
so was in der gegne ein reicher man/ der erkaufft den es-
sel vmb die weiber/ doch sagten ihm die weiber/ das er dz
esel nit solte ins wasser lassen. Demnach begab sichs/ dz
von des burgers knecht der esel nit wol behüt was/ vnd
inn das wasser kam/ vnnnd sich oft vmbkört/ damit er
die esels gestalt verlor/ vnd widerumb zu menschlicher
gestalt kam. Auff disß/ da der knecht den esel nit mer sa-
he/ wolter wenen/ er hette den esel verloren/ vnd fraget
den selben gesellen/ ob er keinen esel an dem ende gesehen
hett/ Antwort der gesel/ er sei der esel gewesen/ vnd von
got-

gottes gnaden erlöst. Ab dieser geschicht verwunderte sich der burger/ vnd verkündet sie dem Bapst Leoni/ dē nach Bapst Leo ließ die weiber darumb fragen/ die solches auch verjehen/ Auch ließ er darüber studieren/ vñ besonder den grossen Lerer Petrum Damianum/ diser Petrus beschloß diß wol möglich zū sein/ besonder auß der vrsach der histori Simonis magi/ der dann Faustianiano sein angesicht auch hett verwandelt/ wie dan da von vormals geredt ist. Sigmund. Du erzest mir so viel historien vnd spruch/ damit ich nit wiß zū welcher mainung ich mich naigen solle. Ulrichus. An dem ende wöllen wir von diesem stück auch weiter red habē.

Cap. 6. Ob die hengst vnd heren kün-
 nen auff einem gesalbten stecken / oder auff ei-
 ner katzen reitten zū ihrem wollust.



Sigmund. Weiter ist die frag/ Ob solche heren kün-
nen auff einem gesalbten stecken/ auff einē wolff/
oder Katzen zū ihrer versamlung reiten/ da sie dan
essent vnnnd trincken/ auch sie sich vnder ein ander er-
kennen. Ulrich. Du hochgeborner fürst dein mainūg
wollen wir zūmersten hören. Sigmund. Wir wissen/
das der teuffel ein geist/ vnnnd ein ongeleibte oder vnbe-
greiffliche creatur/ deßhalb er weder hānd noch fuß hat/
auch von keiner statt begreifflich ist/ wie künde er dan
einen geleibten menschen tragen? Cunrad. Vileicht
gangen die geister in die leichnam/ vnd nemen die leibe
oder die leichnam an sich/ damit so üben vnnnd arbeiten
sie diß/ das dann zū volbringung ihrer fürgesetzten mai-
nung schickerlich ist/ dann man list in dem Būch Da-
nielis/ das der Engel Gottes Abacuck bei der schaitel
ergreiff/ vnnnd ihn gen Babilonia bei seinem schopff zū
Daniel getragen hat. Ab dem ist zūmercken/ wie wol
der Engelein gaist ist/ das er dannoch teyn leiplich ge-
stalt an sich hat genommen/ damit er Abacuck bei sei-
nem schopff hett können tragen. Item/ so list man A-
ctuum Apostolorum an dem achten capitel/ Das der
geyst deß herren Philippum den zwölffboten genumen
hat/ vnd ihn getragen in Azotum. Sigmundus. Diß
möcht vileicht möglich sein den gūten engeln vnnnd geys-
ten/ die mer gewalt haben dann die bösen geyst. Ulrich.
So wollen wir Exempla von den bösen geystern auch
geben/ dann man list in sanct Jacobs Legend/ das der
teuffel Hermogenem den zauberer bande/ vnd also mit
gestricten hānd vnd fuß zū sanct Jacob trüg. Cunrad.
So willich sagen was bei meinen zeitten ist geschehen/
dweil also ich vnd doctor Ulrichus Molitoris jung sein
gwe.

gewesen/ist vor viel ergangen jaren begegnet/das zuwen
man vor dem Landtgericht zu Costen in Recht sein
gestanden/da einer den andern in gerichts form freyen
lich angeklagt/vn̄ ihn geziget hat/wie der selb ein heng
ste vnd onhold sein solte/vnd er ihm begegnet were auff
einem wolff reittent/auch als balt der selbig hengst in
ersabe/da wurde der kläger lam vnd frantz/also erba
te er den onholden das er ihn wider gesundt machte/so
wolte er ein zeit niemants darvon sagen. Also ward der
kläger wider gesund/Dennach als solich zeit verruckte
was/erfordert der kläger den onholden für Recht/auff
das Landtgericht/vnd klagt zu ihm wie oben gehört.

Sigmund. Was antwurt der onhold zu solicher klage?

Cunradus. Er gestand des handels vnnd klagen nitt.

Sigmund. Ward aber der onhold an die wag geschla
gen? Cunrad. Nain. Sigmund. Wie künde dann
der kläger ihn overwinden? Cunrad. Durch gezeugē.

Sigmund. Was sagten dann die gezeugen? Cunra
dus. Sie sagten das der selb solich hexerei machen kün
de. Sigmundi Künnen ettwas/ist nit sünd/wan̄ al

le menschen/als Aristoteles sagt/begertē natürlich vil
zu wissen. Cunrad. Die gezeugen haben weiter ge
sagt also/das der selbig nitt alleyn solich hexische kunst
künde/sonder das er diß auch geübt vnnd gethon habe.

Sigmund. Was haben aber die zeugen zu vrsach ih
rer kundschaft gesagt? Cunrad. Sie haben bei iren

geschwornen aiden gesagt/das dieser sie selbs an ihrem
leib vnd güt hab beschediget. Sigmund. Ward dem

selben auch ein fürsprech gegeben/vnd sein gegenwer ge
hört? Ulrich. Ja/ich binn auch an dem end des Rech
tes gesein/wannes öffentlich beschabe/vnnd hab gese

ben das sie zwen treflich vnd redbarlich fürsprechen ge-
 habt haben. Sigmund. Wer waren sie? Ulrich. Die-
 ses vnser Cunraden Schutzen vater/der auch burger
 maister dazumal zu Costentz was/ des gleich Ulrichus
 Blarer. Sigmund. Ich hab die wol gekent. Cunra-
 dus. Also ward diser onhold mit vrteyl verdampt/den
 ich auch auff solch vrteyl sahe verbrennen. Sigmund.
 Vnser frag hat noch einen andern artickel in ihr/ also/

**Ob soliche böse weiber zusamen kum-
 men/mit einander essen vnd trincken/auch ei-
 nen güten mut haben?**



Cunrad. Der gemain man bei vnns sagt diß/ dar-
 zu so sie gefangen/ vnnd peinlich gefragt werden/ so
 versehen sie solichs/ vnd melden auch vmbstend irer
 vergicht. Sigmund. Spricht aber nit der text in. ca-
 pitulo Episcopi. xxvj. q. v. also/ Diß sol auch nicht ver-
 schwigen werden/ das etlich böse weiber/ die sich hinds-
 werg nach dem teuffel keren/ vñ durch sein betrugnuß
 vnd fantasi verfürst werden/ also das sie glauben vnnd
 vermainen mit der abgöttin Diana vnnd Herodiade/
 bei

bei nächtllicher zeit mit vil weibern auff ettlichen wilden
thieren vber weit weg reiten/ vnnnd ihnen gebotten sich
gehorfam vnd diensflich machen. Aber wol zūwūsch
en were/ das die selben bösen weiber in ihrem verhaßten
wesen alleyn verdorben weren/ vnd nit vil ander zū der
verderbnuß ihres vnglaubens zū ihnen berufften/ wā
die menige solcher weiber wirt durch ihr falsch mainūg
also betrogen/ damit sie glaubt solichs war zū sein/ vnd
also von dem rechten glauben fallent/ vnnnd sich mit der
fzrung der Heyden verflickt. Cunradus. Seitmals
nach den Worten dieses capitels dy weiber werden betro
gen/ wannenher kumpt es dann/ das die weiber ander
menschen auß andern stätten vnd landen erkennen/ die
sie dann mainen bei ihnen in ihrer wollust gewesen sein/
vnnnd auch vmbstend der erkantnuß erzeygen/ doch inn
solichen landen vnnnd stätten vormals nit gewesen sein.
Ulrich. Wiewol diß ein verstrickt argument ist/ so sag
ich doch so viel dar zū/ Das diese weiber inn nächtllicher
zeit niendert hien wandeln/ auch in solcher maß nit zū
samen kummen/ dann solchs ihnen alleyn geschicht inn
ihrem schlaff auß inbildung des teuffels/ der ihnen inn
so mancherley gestalten erscheint/ vnd so hart inbildet/
das sie wehnen es sei ihnen wachent also warlich be
gegnet. Sigmund. Demnach so wollen wir
weiter an ander fragstück ghan.

Cap. vi. Ob der teuffel in menschlich
er gestalt möge erscheinen/ vnd bei den frawen
schlafen.

Cum



EUnrad. Niemants zweiffelt das der Teuffel sich
 nit mög in menschlich form verwandlen/ wann inn
 sanct Martins legend list mañ/ Da sanct Martin
 für Weyland was gangen/ da erschein ihm der teuffel
 in gestalt eins menschen. Desgleichen list mann auch
 in sanct Anthonis Legend/ das der teuffel in gestalt ei
 nes schwarzen Kindes zerstrawt ligende sich erzeygt.
 Item/ so list man auch in sanct Eulogius Legend/ wie
 der teuffel in einer schönen frawen gestalt zū sanct Eu
 logio für die schmitten kam/ vnd mit sanct Eulogio red
 det. Item so list man in dem heyligen Euangelio/ das
 der teuffel vnsern herzen Jesum Christum auff den tem
 pel furt/ da wol zū glauben ist/ das sich der teuffel in mē
 schlicher gestalt erzaigt hab. Hierumb so ist diß nach zū
 lassen/ das der teuffel in menschlicher gestalt bei den mē
 schen mögewandelen/ vnd mit ihnen reden. Darzū be
 findet mann auch/ das der hochmaister Plato ein geist/
 der

der ihm dann gedint hett/zü einem hauß knecht geheet
hab. Sigmund. Was sagst du aber auff den andern
artickel/da gefragt ist/Ob die geist bei den frawen mög
gen schlaffen/vnnd mit ihnen vnzimlich werck üben?
Cunrad. Solchs bekennen die Hexen/so mann sie inn
der gefencknuß darumb fraget. Sigmund. Der weis
ber torheyt redt vil/das sie wenen war zü sein/vnd doch
ein betrügnuß ist. Cunrad. Es ist nit minder/danocht
beharrent vil auff solcher vergicht/bis mann sie zü dem
feuer füret/züuerbrennen/vnd also den tod vor iren au
gen sehen. Aber wir wollen ettlich geschicht vnd histo
rien weiter melden. Also list mann in sanct Bernhar
di Legend/das ein böser geyst eben viel jar bei einer fra
wen sei geschlaffen/züzeiten so dannocht der selben fra
wen eheman auch bei ihr lag/doch wisset der man solch
lästerlich that des weibs nit. Am letzten aber hett diese
fraw dem bösen geyst gern vrlaub geben/vnd von ir ges
trieben/da wolte der teuffel nicht mer von der frawen
weichen. Demnach beklagt die fraw solichs mit rewe
sanct Bernharden/vnd bate den vmb hilff vnnd that.
Also thet sanct Bernhard den teufel mit breñenden Ker
zen in bann/vnd trieb damit ihn von der frawen. Itē
so redt sanctus Augustinus in Lib.de ciuitate Dei.xv
also/Es ist ein grosser lümbd/auch haben ihr vil erkent
von den/so dan diß begegnet/gehort habē/das da seien
geist/Syluani genant/die den weibern vil zülaidt ha
ben gethan/vnd bei ihnen züschlaffen/offt begert/vn
keuschliche werck zü üben. Darzū list man in der Bri
tannischen Chronica/das bei kōnig Arcturus zeitten
solchs oft geschehen sei. Sigmund. Was sagstu dan
zū dem spruch Cassiani des Lerers/der also redt/Es

D kan

Kann nit sein zū glauben/ das die geystlich natur mit dē
weibern vnkeuschlich werck können treiben/ wann sol-
te ettwas daran sein/ so sehe mann doch/ das vnderwei-
len auß solchem vnkeuschen werck kinder geboren wür-
den/ das doch wir nit sehen/ Darzū so üben die teuffel
solch vnflätigen wollust mer mit ihnen selbst/ dann mit
den frawen/ wenne es sein möchte. Vlr. Dieser spruch
füret vns in ein andere frag/ als dann hernach folget.

Cap. vii. Ob auß dem onkeuschen
werck des bösen geystes kinder
geboren werden
mögen.

Cunrad. Es ist ein gemaine sag / das auß solchem
bösem vnflätigem werck kinder geboren werden/
die man nennet/ Weckselkindt/ vnnnd darumb so sa-
get man voneyner frawen/ Melisina genant/ die eyn
Graff geliebt/ vnnnd zū einer ehewfrawen genommen ha-
be. Also das von ihr geboren seien viel kinder/ die greul-
che zeychen an ihnen haben gehabt / also das einer drei
augen/ der ander einen Eberzan hette. 2c. Sigmund.
Dis ist ein fabel vnnnd ein merlin/ vnd hat auch solliches
keyn berhumbter lerer geschriben/ darumb tragt solch
sag kein kuntschafft auff ihr. Cunrad. Vincentius
in libro historiali. xxi. capitulo. xxx. sagt also/ Als Wor-
tignus der kōnig inn Britannia durch rath seiner für-
sten zū auffenthaltung seines regiments einen starcken
thurn zū bauen vnderstund / vnd als aber das funda-
ment böß was/ vnnnd versanck was man dann darauff
hawte/ ward demnach in gerhaten/ das er ein mensche
su

sichen solte/der on ein menschlichen vater geboren wer-
der selb würd im rahen wie das fundament gesetzt sol-
werden. Also ward im königreich einer erfunde. genant
Merlinus / dieser ward mit seiner muter für den künig
gebracht/ vnd sagt da sein mütter/ wie sie den Merlinus
von einem geyst hett empfangen/ vnd geboren. Dieser
Merlinus sagt/ wie vnder dem fundamet lege ein See/
vnd in dem See zwen Trachen/ einer roth/ der dan das
Britannisch volck bedeut/ der ander weiß/ der das Sa-
xonisch volck bedeut. Sagt auch ander künfftig ding/
die auch geschehen sein. Also erfindt man ab dieser hi-
storien/ wie Merlinus mutter vor dem künig verzeihen
vnd gesagt hat/ das sie Merlinum von einē bösen geiste
hab empfangen vnd geboren. Item so schreibt sanctus
Augustinus vnd ander lerer vil von disem Merlino.
Sigmund. Was ist aber zūhalten von diesem Merli-
no? Ulrichus. Amend dises Tractats wollen wir diß
auch außrichten. Aber in disem artickel wollen wir wei-
ter arguiren. Die Glos ordinaria vber das büch inn
der Bibel Genesis/ das erst/ da dan der text meldet/ wie
Nisen in den tagen auff dem erdtrich sein geboren / da
dan die kinder Gottes mit den kindern der welt vermis-
chet waren/ die dann mechtig vnd in der welt groß ver-
ehümbt gewesen / Also sagt die Glos darüber/ Es ist
nit onmögli ch/ das auß den menschen von den geystern
oder von dem teuffel/ die den weibern gefarlich sein/ so-
lich leut geboren/ wann nach der Sündtfluß hat mann
glid vnd leichnam gefunden / die inn mercklicher größe
seint gewesen. Sigmund. Diß wer ein wunderbarli-
che Glos/ Solt der teuffel können kinder geben? Ulr.
Iosephus ein fürst der Juden/ vnnnd in vielen historien

wolgeleret/den auch sanctus Hieronimus mit lob erhe-
bet/ist auch der mainung/als dann die Glos/ Das von
den bösen geystern sollich lewt geboren worden sein.
Cunrad. Ich wil aber er was neher historien herzü zie-
hen. Ganfridus Anthistodorus/ als dann ihn meldet
Vincentius in naturali speculo am dritten büch/ sagt/
Wie das ein Decander priester mitt des hertzogen von
Burgund Schwester/ die dann dem König Rogerio inn
Cicilia was vermähelt/ da selbs ebenlang hett gewo-
net/da hab er fürwar erkunnet/das sich begeben habe/
das ein junger gesel/der dann in dem wasser wol schwü-
men kund/bei Oneschein in dem meer gebadet hab/
den ergreiff ein meerfraw/vnd also mainte er / es were
seiner gesellen einer/ vnd wolte ihn vnder das wasser tu-
cken/demnach ergreiff er die frawen/vnd mit starcker
krafft bracht er sie mit ihm heraus auff das land/vnd
bedackte sie mit seinem mantel/furt die in sein hauß/vñ
nam die offentlich zü der ehe. Sie was auch ihm freunt-
lich/vnd hielt ihn schon / doch redt sie nie keyn wort mit
ihm. Vff ein mal vermainten sein nachbahren vnd ge-
sellen/es wer nit ein recht mensch/sonder ein gespenst /
vnd rietben ihm/er solt sie nöten züsagen / von wannen
sie were. Man hette sie bei ihm einen sun geboren/den er
auch auffgezogen hett/den nam er auff ein mal/vnnd
trawet der frawen/wa sie ihm nit sagte/wannen vnnd
wer sie were/so wolte er den sun ertöden/Also antwurt
die fraw/O du onseliger mensch du verleuerst ein gütte
haußfrawen/darumb das du mich zwingest züreden/
wannich wer bei dir gewesen/vnd dir were mit mir wol
gesien/hettst du mich einen stumen lassen bleiben/ aber
forter sichst du mich nit mer/vnd damit pshawand sie.

Aber:

Aber der sun badet darnach off tinn dē meer/ das mochte die mutter ihm die leng nit vertragen/ also er nu auff ein zeit badet/ da schwam die frau her zu/ ergreiff den sun/ vnd man gesabe ihn nit mer. Da bei so maint man wol/ were der sun ein rechter mensch gewesen/ das dann das meer solte ihn an das gestad widerumb geworffen haben. Dis meldet also Vincentius in dem obgeschribnen buch. Sigmundus. Ist aber diser sun ein rechter mensch/ oder ein gespenst gewesen? Cunrad. Auß diser historien so befindet man das er geessen/ getruncken hat/ auch auff gewachsen vnd ettelich zeit erzogen ist. Ulric. War für Merlinus vnd diser sun sollen gehalten werden/ wollen wir auch am endt sagen/ vnd jetzt darzwischen weitter historien melden. Sigmund. So sage her. Cunrad. Elimandus am vierden buch/ als den auch recitirt Vincentius in naturalis speculo/ sagt/ Das zu Cöln sei gewesen gar ein schöner palast auff dem Rhein/ darin ongeferd viel Herren vnd Fürsten versamlet waren/ da sahen sie einen schwan den Rhein herab schwimmen/ der zoge ihn nach an einer silbern Ketten vmb sein halß ein kleyne schiflein/ darinn ein newe onerkannter Ritter ist gestanden/ der sprang auß dem schiflein/ Denach name der selbig Ritter zu Cöln ein weib/ davon vil kinder geboren worden. Also nach ettelichen jaren er sahe der Ritter den schwan widerumb mit dem schiflein kumen. Da sprang er wider in das schiff/ vnd hat man ihn fürter nit mer gesehen. Aber sein geschlecht/ als Elimandus redt/ lebt noch. Sigmund. Wie wol diese historien vnd spruch trefflich seint/ je doch so seint diese ding selzam zühören/ aber die weil du sagst/ dz du nach dem liecht deiner vernunft an dem end dises Tractats.

das vnd anders wöllest entschaiden/so vil dir deß vnser
Gott gnad verleicht/so wöllen wir aber zü weiter frag
treten.

Cap. viij. Ob die heren vnd zaube
rer können haimliche vnd künfftige ding
nen vnd sagen.

Unrad. Wir habē gehört/das Merlinus vil künff
tiger ding hab gesagt/die auch also ergangen sein.
Item so hat auch Balaam der ein ariolus/vndeyn
anbeter der abgött ist gewesen/als dann die Bibel an
zeygt/vil künfftige ding vorgesagt. Item hat nitt der
teuffel in Samuels gestalt durch anraitzung deß hexi
schen weibs künfftig ding gesagt/wie Saul vnd Jona
tha/vnd alles jr haußgesind erschlagen sollen werde/als
diß auch geschah/wie dann geschriben stah im ersten
büch der König. Sigmund. Ist aber nit der haimli
chen vnd künfftigen dingen schauwer alleyn Gott der
herr/der doch ein vrsach vnd beweger aller ding ist. Vl
rich. Ja er ist/aber nichts destminder/kan auch der tü
fel künfftige ding vorsagen/wan wir sehen/das die As
trologi/oder Sternenseher/künfftige ding auch vorse
hen. Sigmund. Aber wie wol sie also sagen/so beschliß
sen sie doch nit/das es darumb notwendig also beschehe
müsse. Vlrich. O du ehrenreicher fürst/du argumen
tirst wol/wann alle ding zü beschehen feint in dem ge
walt Gottes/deß niemans rhat ist/danner seins selbs.
Sigmund. Jedoch wolt ich gern höre/wie/vnd was ge
stalt sie künfftige ding künden vorsagen. Vlrich. So
vermercke die wort sancti Augustini/in capitulo Sci
endum

endum. xxvj. q. iiii. da der Text also sagt/ Es ist zu wissen/ die natur d̄ geister also zu sein. damit sie auß schnell̄
le ihrer sinn vnser irdische sinnlicheyt inn dem corpus
des lufftes fůrtretten/ vnd auß der beweglicheyt des ob
ren kraiß der lufft vnd des lauffs nit alleyn die mensch
en vnnd die thier / sonder auch den flug der vogel vber
treffen/ vnd also auß diesen zweyen / so vieles das cor
pus des lufftes anrůrt / wissen sie künfftige ding vor zu
sagen/ des gleichen mit der scherpffe ihrer sin̄ vnd schnell
ihrer beweglicheyt können sie so vor bedacht ist / fursa
gen/ die dann die menschen von ihrer irdischer trechbeyt
mit ihren sinnen nit mögen vor begriffen/ vnd sich doch
darab verwundren. Darzu so seyen auch die bösen
geyst alter herkommen / vnnd haben mer erlebt vnder
kunnet / dann die menschen leben inn dieser zeit kurz /
vnnd also nit alleyn durch die natur des lufftes / die
dann die teuffel erkönnen / können sie künfftige ding
vorsagen/ sonder verkönden auch diß/ das sie dann selbs
bey weyllen thun werden/ das doch die menschen we
der sagen noch thun können. Vnd darumb also auß
dem laster der hofflicheyt vñ liebe des zeytlichen glücks/
auch vbertreffung der zeitlichen irdischen dingen / so
dienen die menschen also dem teuffel / vnnd er bieten im
ehr / die dann alleyn gott zugehört. Weiter redt auch
sanctus Augustinus also / Sidt mals aber vnser frag
daruff rastet von der künfftigen vorsagung der teuffel/
So soll man wissen d̄ die selben teuffel oft vor verkün
den vnd sagen diß/ so sie dann selbs würcken vnnd thun
werden. Wann ihnen wirt oft verhengt vnd gewalt ge
geben gebrechen/ in zuwerffen vnd den lufft vergiften/
vnd

vnd den also gebreßlich machen. Desgleichen den ver-
fertten menschen böß sachen zürbaten/ von den sie dann
auß ihr sitten oder gewonheyt diß erkennen/ vnd ein ge-
wissens haben/ das die selben solichem irem rath werde
folgen. Vnd also durch wunderbarlich vnsichtbarlich
sachen durch ihr subtiligkeyt durchdringen sie die leiber
der menschen/ vnd innmischen sich durch etlich inbildung
in die gedenckē der menschen/ sie schlaffen oder wachen/
vnderweilen auch thunt die teuffel solichs selbs. Dar-
zū so erkennen sie auch künfftige ding auß den natürli-
cher zeychen/ die dann inn der menschen sinn nicht wol
kommen mögen/ damit sagen sie solch künfftige ding.
Vnd also sol man einen artzat der für sehen kann etwas
künfftigs/ das dann einer der diß nit gelernet hat/ also
nit kann/ darumb nit für Gott halten. Vnd als ein ar-
zat vorsehen kann künfftige krankheyt oder gesund-
heyt des leips der menschen auß geschickligkeyt der bes-
trübten oder tödlichen lüfften/ Also können auch die teu-
fel auß vbung der lüfft/ die dann sie erkennen vnd doch
vns verborgen sein/ künfftige gewitter vorsagen. Vn-
derweilen erkennen sie auch der menschen geschicklig-
keyt/ die sie dann nitt alleyn auß der menschen worten/
oder reden brüffen/ sonder auch auß iren gedancken/ dy
dann die menschen mit irem außwendigen gemüß erzey-
gen/ darauff sie diß also mit leichtfertigkeit vorsagen.
Vnd so sie also mancherley künfftigs vorsagen/ diß be-
dunckt dann die andern mensche wunderbarlich zū sein/
die dann solcher geschickligkeyt nit kuntschafft haben.
Diß ist also die mainung sancti Augustini. Sigmund.
Ist aber auch inn solichem den geystern zū glauben?
Vrich. Ganz nichts. Sigmund. Warumb. Vlo-
ricus

ricus. Wann die bösen geyst werden vnderweilen selbs
betrogen. Desgleichen betriegen sie auch die menschen.
Sigmund. Gib des mer ein exempel/ da dann die bö-
sen geyst betrogen worden sein. Vricus. Wann list
in legenda sant Simon vnd Judas. Do Wardach der
Fürst zü Babilonia wider den König von India streittē
wolt/ gebott er seinen maißtern in der zauberey/ die man
zū latin/ Ariolos nennt/ das sie deshalb die abgött dar-
in dann die teuffel woneten/ fragen solten/ wie es gohn
wurde. Also auff sollich frag sagten die abgött/ wie ein
künfftig grosser streit werden solte/ vnd zū baider seit-
ten vil erstochen werden. Also do solichs Wardach dem
Fürsten ward gesagt/ erschrack er/ vnd ward traurig.
Aber sant Simon vnd Judas die lachten solicher sag-
auff diß sprach der Fürst/ ein forcht ist in mich gefallen/
aber ihr spotten vnd lachen. Also antwurten dem Für-
sten die Apostel Simon vnd Judas/ dein forcht soll ein-
endt haben/ wann mit vns ist der frid in diß landt inge-
gangen/ hierumb so verzüch vnnnd rüwe diesen tag/ vnd
morn omb die dritte stundt werden kommen deines wi-
derthails der Indischen bottschaft/ die werden frid be-
geren/ vnd mit dir einen vesten bundt inn aller danck-
berkeyt verwigen/ vnd den beuestigen. Do des Fürsten
Wardach zaubrer vnnnd Arioli solich redt horten/ lach-
ten vnd verspotten sie die auch/ vnd sagten zū dem Für-
sten/ O herze du solt diesen frömbden verlognen vnd vn-
erkanten menschen nit glauben/ wann sie müssen also
etwas sagen/ damitt mann sie nit für speher oder ver-
rätther schätze/ aber diß vnser götter die niemant betrie-
gen/ habē dir ein antwurt geben/ damit du für betracht-
lich vnnnd empfig sieß. Doch mitt kurtz auff sollichen
E tag

tag kam die bottschaft die dann von dem Indische künig gesandt was/sagten vnd verkündten in alle maß wie dann sanct Simon vnd Judas gesagt hetten. Ab diser histori ist abzunehmen/ das die bösen geyster selbst betrogen waren/vnnd ein lügen gesagt hetten. Ist auch on zweiffel/hetten die teuffel einen solchen künfftigen außganc gewist/sie hetten vast gern ein warhaftige antwurt gegeben/wann solche der abgötter lügen/vnd das sie betrogen waren/kam ihnen zu grossem schaden. Aber seitmals die teuffel eygentlich solichs künfftigs nitt wisten/wurden sie damit betrogen. Also hastu ab diser histori/das die bösen geist vnderweilen selbst werden betrogen. Doch ist das auch zu mercken/so die bösen geister vnder weilen zweifeln wie es erghan soll/das sie dann künfftig vor sagen wollen/vnd damit man versthan möge/wie sie ihm dann thun/ Spricht sanct Augustin im obgemelten capitel also/Damit die bösen geyste das gewicht irer auctoritet vnd glaubens nit verlieren/so sagen oder wircken sie diß also/ ob sie betrogen oder liegen würden/das dannoch die menschen/so dann solch zeichen oder antwurt von ihm empfangen haben/vermaïnen die schuldt in der verstentnuß lege auff ihnen. Sig. Gib diß eyn exempel. Ulrich. Wan list vom Niace/ als er in einem streit wider die Römer ziehen wolt/ließ er durch seine maister vnnd Ariolos die abgött/darinn die teuffel waren/fragen/wie es vmb den sieg des streits erghan würde. Vnd als aber da zumal die bösen geister nichts grundtlichs des streits außganc wissen mochten/damitt dannoch niemants vermainte/das sie solichs onwissen weren/da sagten vnnd gaben sie die antwurt also/Die Römer dich zu yberwinden magstu wissen.

sen. Aber dz wort/dich/in zwen weg gelaßt vñ verstan-
den wirt/also/ob der Fürst die Römer hette vberwun-
den. Diß wer der antwort gemess gewesen. Ob aber die
Römer den Fürsten vberwunden hetten/ so möcht dan
nocht die antwort so vil auff ihm tragen/das mann sie
in solcher maß auch verston hette mögen/darumb seint
die bösen geister gewont in solchem zweiffel verborzen/
lich dunckle antwort zugeben. Item so betriegen sie
auch oft mit willen die menschen/vnd sagen ein lügen/
wann sie seint voll alles neids vnnd haßs/nemmen ein
freud darab wann sie den menschē in ein irrung fellen/
oder sie betriegen mögen/darumb ist es gar sorgfellig/
lich ihnen zūglauben/wann der mensch kan nit wissen/
wann sie selbst betrogen werden/oder nach ihrer gewon-
beyt vnns betriegen wollen. Demnach allermildesten
herz vnd Fürst magstu mercken/wie vnd wen sie heim-
lich ding wissen/vnd künfftige ding vor sagen mogen/
vnd das man auff ihr sagen kein glauben setzen sol/dan
in ihnen ist nit die warheyt. Sigmund. Wir haben nu
vast genug auch von obgemelten fragstücken in dispu-
tierung gehandelt/Darumb gefiel vnns/das du
dein mainung endecken wollest vber alle arti-
ckel. Ulrich. Welches stuckes begerst du
zumerstenein beschaid. Sigmund.

Dieses Tractats beschluß.

LE ij



**Beschluß Vlrici vber die erste vnd ant
der frage/ Ob die teuffel können hagel vnd don
ner machen. Vnnd ob sie die menschen
können verferen. 2c.**



Sigmund. Ob die teuffel vnnd die menschen mitt
hilff vnd züthun des teuffels können den lufft bes
trüben/ hagel machen/ dem erdtrich schade thün/
den menschen siechtagen züfügen. Vlrich. Ich sag dz
sie es nit können anders/ dan wann vnd wem/ vnd wie
viel ihnen von Gott auß vrsach sein maiestat bewegen/
deinen verhenckt wirt. Sigmund. Auff was grund
setzest du dein fundament. Vlrich. Auff diß/ so dann
vormals erzelt ist. Darzū auch so spricht Johannes Da
mascenus in dem andern büch also/ Die bösen geyst ha
ben kein krafft wider jemants/ dann so viel ihnen von
Gott dem regierer verhenckt wirt. Als dann in Job vñ
der Gadarener sewen züsehen ist. Aber wan sie verbeck
nuß entphaben/ vnd die stercke haben/ als dann mögen
sie sich verwandeln vnd verfiguriren inn was figur sie
wöl.

wöllen nach der gestalt/das ist/nach der phantasei.

Item so sagt sanctus Gregorius in eim Dialogam iij. buch also / On des allmechtigen Gottes verhencknuß so hat der böß geist keinen gewalt wider den menschen/ weil er doch on verhengnuß Christi nit mocht in der Gadarener schweinghan. Sigmund. Was ist diß geredt das die bösen geyst nit mochten in die schweinghan.

Ulrich. Wann list im Euangelio Matthei/da Christus einen besessnen menschen gesundt gemacht/vnd vil teuffel von ihm getrieben hette / da begerten die teuffel vilaub von Christo/damit sie in die schweinghon möchten. Da es nun also ihnen von dem herin Christo erlaubet ward/da giengen sie inn die schwein/vnd trieben sie vrblyßlich inn das meer. Da nimb war das die bösen geister nit gewalt hatten in die schwein züghen/vnd also die züertrencken/ehe vnd malß ihnen diß von Christo verhenckt ward. Sigmund. Auß diesem mercke ich/wañ dem teuffel solchs verhenckt wirt/das sie dan erst schaden thün mögen. Ulrich. Ja du erkennest es gar recht/vnd darumb spricht sanctus Jeronimus vber dē vier vnd dreissigsten Psalmen also/da man sagt/der engel/das ist/der geyst des herzen solihz durchächter werden/Wannein geist wirt vnderweilen auch ein engel genant/Gott hat ihn auch beschaffen/vnd hat auch in in sein gewalt. Ab disem spruch magstu verston/das oft Gott der herz verhengt dem teuffel/damit der die welt durchächte. Hierumb sagt sanctus Augustinus in lib. de diuinatione also/ Sie empfahen oft gewalt gebrestē inn zū mischen/auch den luft zū vergiften/den also gebrestlich zū machen/auch verkereten menschen böß sache zū haben. Auch sagt sanctus Augustinus in Libro

de Trinitate tertio also / Auß onaußsprechlicher hoch /
müthigkeyt Gottes geschicht / das die Engel / das seint
die geist / solichs vermögen / wans ihnen Gott verhēckt.
Aber diß mögen sie nit / wans jnen nit verhēckt wirt.
Sigmund. Wann aber den bösen geistern diß vō gott
verhēckt wirt / begere ich zū wissen / ob sie dann solichs
nach ihrem gelust volbringen mögen wie sie wollen?
Ulrich. Nain / sonder allain so viel ihnen zū thun ver
hēgt ist / darumb so spricht sanctus Augustinus in dē
obgemelten buch also / Darumb so vermögen sie es nit /
wann es ist ihnen nit verhēckt. Vnd redt weiter / das
vnns kein ander vrsach begegne / warumb die zauberer
in Egypto / auch nit die Kesser / die Frösch vnd natern
machen mochten / dann alleyn das Gottes gewalt grōß
ser / der ihnen diß durch den heyligen geyst verbot. Das
verjehen die Zauberer auch öffentlich / vnnd sprachen /
Der finger Gottes ist da / wie man dann liest im andern
büch Mose am sibenden. Darumb spricht sanctus Jo
hannes Chrysostomus super Mattheum im erstē buch
also / Der teuffel mag nit die menschen versuchē wie vil
er will / wann so vieles an ihm stünd / so horte er nimmer
auff die menschen zū versuchen / danner hat nichts an
ders zū schaffen / die weil er weder isset noch schlafft / da
rumb nichts anders arbeyt / dann das er versuche / be
triege vnd verführe. Hierumb sagt man in dē buch Sen
tentiarum. ij. Dist. vij. also / Die zauberisch oder schw
artze kunst wirt geübt durch die kunst vnd krafft der tü
fel / den dann gewalt vnnd kunst von Gott gegeben ist /
zū betriegen die betriegenden / als die Egyptischen / Vñ
auch als den Zauberern verhēckt was durch wirkung
der

der geiste/ damit sie wunderbarlich gesehen würdē von
denen/ von welchen sie dann solten verdampt werden.
Oder zūbeweren das sie vns begeren zūbetrigen. Oder
zūerkennen vnnd zūbeweren gedult der menschen/ die
dann frum vnd gerecht sein. Vnnd darumb ist nit zū/
gedencken/ das die materi dieser sichtbaren dinger den
bösen geystern diene nach ihrem wolgefallen vnnd wil-
len/ sonder so viel ihnen von Gott sollcher gewalt gege-
ben wirt. Sigmund. Wer es nun möglich zūwissen/
so begerte ich mir zūsagen/ wann der hoch gelobte Gott
den bösen geystern sollich zū vben / das erdtrich vñ den
menschen zūschädigen/ auch die lufft vnd die wasser zū/
betrüben vnnd zūuerkeren nachlasse vnd verhenge: Vl-
ricus. Dis ist ein schwere frag/ wann welcher ist der/ der
erkennen mag den willen Gottes/ darumb hat geschrie-
ben sanct Paul zū den Römern am eylfften also/ O du hö-
he der reichthumb/ vnnd der kunst Gottes / wie gar ons
begreiflich seint deine Gericht/ vnd so unerforschlich dei-
ne weg/ dann welcher ist der/ der die sinne Gottes erken-
net/ oder sein Rathherz gewesen ist/ odder ihm vor rhat
gegeben hat. Sigmund. Die weil dann sich nitt ge-
zimpt alle heymligkeyt Gottes zū erforschen/ so wollen
wir noch dannoch von den sachen reden/ so vil dan vns
auß den gnaden Gottes verliehen wirt. Vlrich. Dem-
nach sag ich/ das betrübnuß deß luffts/ vñ gewitter/ dö-
der/ vnnd anders vnderweilen oft geschicht on zūthun
der teuffel/ sonder auß geschicklichkeyt der natur vñ bes-
wegnuß der planeten durch die göttliche gütigkeyt / die
dan dē gestirn seinen lauff zūthun verhenckt. Nit was
ursachen dann diß geschehe/ haben die Philosophi vnd
naa

natürliche maister/besonder Aristotiles in Meteororum viel daruon geschrieben. Sigmund. Des halb ist keyn zweiffel/das diß mit natürlicher bewegnuß nicht sein möge. Aber vnser frag ist/wan solcher gewalt zu thun dem teuffel gegeben werde. Vlrich. Der allerhöchst vnd barmherzigster Gott/der alle ding zu nutz dem mensche mit seiner miltesten vershung ordnet/der verhenckt vnderweiln diß zu einer buß der straff/vnderweiln vmb versuchung zu mehruung des verdienes/vnderweilen zu einem zeychen zu danckbargkeyt der künftigen genaden. Sigmund. Sag wie wirt also die sünde gestrafft? Vlrich. Vnderweilen öffentlich vnd vnderweilen verborgenlich. Sigmund. Wie öffentlich? Vlrich. So den menschen öffentlich straff widerfart/damit sie grüntlich mercken/das sie also vmb ir sünden gestrafft werden/Als dann zu zeiten do Sodoma vnd Gomorra von ihrer sünd wegē vndergiengen/Vñ auch da Dathan vnd Abiron das erdrich verschluckt/da er kannten die menschen/das diß ein öffentliche straff vō Gott was. Sigmund. Wiedann so Gott verborgenlich strafft die sünde. Vlrich. Diese frag dient zu vnser sach/Also verborgenlich strafft Gott die sünde/vnderweilen durch die Engel/vnderweilen durch die menschen/vnderweilen durch die teuffel. Sigmund. Gib exempel da es geschehen sei durch die Engel. Vlr. Man list Esa. xxxvij. da Sennacherib der fürst kōmen was Jerusalem zubelegern vnd bekriegen/das ist der Engel Gottes außgangen/vnd hat inn dem heer hundert tausent vnd fünff vnd achtzig tausent man zu todt geschlagen. Da nimb war das Gott durch sein engel gestrafft hat die hoffart Sennacherib des fürsten von Assiria/
in

in dem/ das so viel tausent man getödt worden seint.
Desgleichen list man/ das durch die herzigkeyt des kö-
nigs Pharaonis in Egypten der engel Gottes alle erst
gebornen ertödtet. Sigmund. Wie hat es dann eyn
gestalt/ so Gott strafft durch die menschen. Ulrichus.
Du hast viel exempel in capitulo/ Remittuntur. xxiij.
q. v. Wann da das volck von Israel gesündet hatt/ ist es
gestrafft worden durch den Babilonier könig Nebu-
cadNeszar. Item/ durch Antiochum den könig. Item/
Vespasianum vnd Titum/ Darumb sagt da selbst der
text/ Assur/ das ist/ der Fürst Sennacherib / w3 ein rüt
des zorns Gottes/ wann je Gott der herz für sehen hatt vil
menschen durch die göttliche gerechtigkeit züstraffen.
Desgleichen Attila der könig Hunorum als ein straf-
fer/ nennet sich selbst ein geißel Gottes. Sagt da selbst
auch der text weiter/ Das Assur der Fürst solch verbor-
genlich straff Gottes nit erkant/ vnnnd von solchs siegs
wegen sich in hoffart erhüb/ den sieg seinen krefft zü-
maß/ darumb ward Gott bewegt vnd sprach durch dē
propheten/ Ob auch die segeß sich berhümbte vnd er-
höbe wider dē der sie in der handt füret/ oder die art sich er-
höbe wider den der durch sein händ damit hawet. Sig.
Wie stahet es dan vmb den drittē artickel/ so Gott durch
den teuffel straffet. Ulrich. Dieser artickel dient zü vn-
ser materi/ Wir haben gehört in dem obgemelten Psal-
men also/ Der engel Gottes/ das ist/ der teuffel/ soll sie
durchächten. Also wirt der sündler oft gestrafft an sei-
nem leip vnd güt. Sigmund. Gib exempel des leips hal-
ber. Ulrich. Vnderweilen wirt der mensch in sein leib
mit dem bösen geist besessen vnd gequelet. Desgleichen
so sehen wir das von der sünd wegen vil krankheit dem

menschen zufallen. Darumb sagt der Text in capitulo/
Cum infirmitas/depen. et remis. also/ Seidmals eben
die Franckheyt des leibs von der sünden wegen kumpt/
als dan Gott der her: zu dem lamen menschen/den er ge
sundt gemacht hett/sprach/ Gehe hien/ vnnnd sünde nit
mer/das dir nit ergers widerfare/ Darumb so setzen wir
mit dieser satzung/vnnnd gebieten den ärzten der leiber/
wann sie zu den Francken berufft werden/das sie dann
die selben Francken vor allen dingen manen vnd vnder
richten/das sie von ersten den artzet der seelen anruffen/
damit der mensch durch die geistlich artzney versehe wer
de/dardurch die leiblich artzney dester glücklicher möge
würcken. Vnd so dann die vrsach der Franckheyt ab
gethon wirt/so nimbt dann die Franckheyt auch ab.
Der ding hast du offentlich exempel/da dann die Für
sten von der sünde wegen in Franckheyt gefallen vnnnd
an ihrem leib gestrafft worden sein.

¶ Dan list von dem König Nebucad Nesar von Babi
lonia/das Gott ihn vmb sein hoffart also ließ straffen/
das er auff allen vieren gieng/vnnnd was ein Waltochs
worden/hew vnd grasß aß. Darumb so dienet zu dieser
mainung wol der text in capitulo/ Si per forciarias.
xxxiiij. q. i. der dan also sagt/ Ob durch die heischen ver
gifften kunst durch verhencknuß des gerechten verbor
genlichen gerichtts Gottes/vnd verhengung solchs ge
walts dem teuffel/das ehelich werck bekrenckt vnd ver
hindert werd/so sollen die menschen/den dann solchs be
gegnet/gott vmb gehad bitten/almusen geben/vnd an
dere gute werck thun/damit sie Gott von solchem laidi
gen zufalerledige. Also ab diesen Worten ist zu mercke/
das dem teuffel von der sünd wegen/mit verbor genlich
em.

em gericht von gott verhengt wirt / damitt er die menschen vergifften vnnnd ongeberhafft machen mög.

Demnach auß diesem spruch erkennest du / das Gott in seiner straff den teuffel zu einem vollstrecker braucht.

Sigmund. (So na dem also ist / wie können dann die bösen weiber sagen vnd glauben / das sie selbs diß würcken vnd thun / vnd deßhalb also den lufft betrübt / das gel vnd windt gemacht / vnd den menschen gebrechen zugefügt. Ulrich. Von ihrer thorheyt wegen / darinn sie glauben das sie selbs solichs thun / vnd werden doch also mit ihrem glauben betrogen. Sigmund. Als wie?

Ulrich. So bald der teuffel auß der bewegligkeyt der elementen versthat / das vngewitter inn dem lufft werden solle / das dann der teuffel in dem lufft baß mercken mag dann der mensch / oder ehe versthat das die götlich fürsehung omb der sünde wegen mit seinem gerechtē gericht ein plag oder straff vber das erdtrich ghan lassen will / vnnnd also der teuffel zu einem vollstrecker plag zu machen von Gott geordnet ist / darauß der teuffel also solcher künfftiger plag zu beschehen ein wissen hat.

Darnach baldt so bewegt der teuffel das gemüt der bösen weiber / vnd auch vnderweilen reizet der teuffel solich böß weiber zu neidt vnnnd haß wider ihre nachbawren / vnd bewegt sie dann zu rach / vnd erzeygt sich gegen ihnen / in massen als ob er sie etwas lere / damit daß sie den lufft betrüben vnd vngewitter machen. Sigmund. Was ist aber diß / so daß er sie leret / damit die bösen weiber solch vngewitter machen mögen. Ulrichus. Balt vnderweist er sie etwas nârrisch vnd thölichs zuthun / welches dann zu solchem vngewitter gar nichts dient.

Sigmund. Dweil er sie dann thörllich ding leert / vnd
das zur sach nit dient / wañen her Kompt es dann / so die
selben weiber solchs / als sie dann der teuffel zůthun ge-
lert hat / brauchen / das diß ihuen nach ihrem willen ge-
rath / vnnnd solichs vngewitter hernach folgt? Ulrich.
Nimb war / so der teuffel nu waist / das Gott ein plage
vber das erdtrich wil lassen ghan von der sünd wegen /
vnnnd dann diß ihm zůthun von Gott gewalt gegeben /
vnd deshalb solch vngewitter künfftig ist / vnd sunst be-
schehen wirt / dannocht damit dann solichs böse weiber
wenen vnd glauben das sie durch die leer vnnnd rhat des
teuffels solich vngewitter machen / so leret er sie vnder
weilen thörllich ding / als ob sie Eißlin steyn hinder sich ge-
gen der Sonnen nidergancß werffen / oder sandt inney-
nen rinnenden bach sprengen / Oder Schweins bürsten
in einem haßfen sieden / oder vnderweilen einen drom o-
der ein ploch vber zwerchs in einen bach legen / oder an-
der der gleichen thörllich ding thün. Vnd ist doch zumer-
cken / das den weibern solchs zůthun der teuffel setzt ge-
wonlich tag vnd stund / demnach die thörllichen frawen
dem teuffel also glauben geben / vnnnd seiner leer folgen.
Vnd so sie diß thun / vñ dan vngewitter zůfalt / die doch
der teuffel vor gewist hat / das sollich vngewitter sunst
durch den lauff der element / oder durch die verheñcklich
straff Gottes kummen solt / so glauben vnnnd wenen die
weiber solch vngewitter sei durch ihr zůthun kommen /
vñ ist doch diß die warheyt / das sie durch ihr kunst nitt
kñnnen machen / damit sie einen tropffen mochten in dē
luft verzeren / vnd dancken dannocht die selben bösen
weiber dem teuffel / betten ihn an / vnd geben im opffer.
Dierumb welcher wolt also eine fr̃ancken gemüts sein /
vnd

vnd glauben/ das auß solcher thorlichen vbung der wei-
 ber also ein groſſe ſpbeer deß luffts vnnnd ander element
 ſolten bewegt werden/ dar durch hagel/ ſtral vnnnd blitz
 beſchehen. Sigmund. Nun was ſagſtu dar zū/ Seit
 mals wir ſehen das oft ein gantz landt verdirbt/ darin
 dann nit alle menſchen geſündet haben. Vric. Oft
 verdirbt der gerecht menſch mit dem ongerechten/ deß
 gleichen oft wirt der onſchuldig mit dem ſchuldigen ge-
 ſtrafft/ Darum liſt man in der Bibel Gen. xix. Da So-
 doma vnd Gomorra vmb der ſünd wegen vndergieng
 gen/ da were mit ihnen auch ein ander ſtatt verdorben/
 Segor/ die doch nit geſündigt hette in die engel/ wann
 Loth nit für ſie gebetten/ vnd er ſich darinneret. Deß
 gleich liſt man im andern büch der künig/ Da David
 das Hebraiſch volck ließ zelen/ vnd damit vor Gott ge-
 ſündet hette/ das von David wegen vil tauſent menſch-
 en verdorben vnd ſtarben/ Vnd ſeit mals wir leſen/ das
 Gott ein ganze meng der menſchen durch die ſünde eys-
 nes einigen menſchen/ als Davids/ der doch nur dz vol-
 ck wider das gebot Gottes ließ zeelen/ also hart hat ge-
 ſtrafft/ wie ſeer wirt dan gott ſtraffen vmb groſſer ſün-
 de/ als vmb ketzeret/ gottsleſterung/ vnd ander ſünde.
 Dweil aber ſolche weiber gottes verlaugnen/ ſich de teu-
 fel ergeben/ also dem teuffel opffern/ vnd ihn anbetten/
 als dan auch der text offenlich ſagt in capit. Episcopii.
 xxvj. q. v. welchem wolt dann daran zweiffeln/ das von
 ſolcher groſſer ſünd wegen nit ein gantz dorff/ darin ſol-
 che boſe weiber ihr wonung haben/ vnd da man ſie also
 wiſſentlich duldet vnd leidet/ ſollt deſto vnglück haſtiger
 ſein/ vnd billich ſtraf vnnnd rach von gott dem herren
 warten vnd forchten müſſen. Sig. Also habē wir zwo-
 f. iii.

ursachen gehört dadurch der teuffel künfftig ongewit
ter wissen hat/ Die erst auß dem lauff des gestirns der e
lement/ Die ander auß der straff vnd plag Gottes von
der sünd wegen. Wie hat es dann eingestalt/ so solch on
gefel fromen vnd gerechten menschen widerfart? Vlr.
Wir haben auch von andern wegen geredt/ damitt vn
derweilen Gott dem teufel verhengt/ vnnnd besonder zū
versuchung der gerechten menschen/ damit Gott ihren
glauben bewere. Sigmund. Diß erzeyg mir. Vlr. ic.
Ist nit Job ein gerechter man inn Gottes lob gewesen/
vnd hat doch Gott ihn versucht/ auch dem teufel ihn zū
beschädigen verhenckt/ an acker/ wisen/ an seinē viech/
kūw/ schaff/ gaiszen/ vnd darnach an seinem leib/ Also/
das ihn der teufel mit so grosser kranckheyt belaidiget/
Vnd dannocht ist Job gedultig vnd demütig gesundē/
bei Gott blieben. Item/ ist nit sanctus Anthonius der
frum einsiedel ein andechtiger man/ vnd Gott lieb gwe
sen/ vnd ist doch oft von dem teufel angesochten vñ ver
sucht worden. Ist er nit oft von dem bösen geist also ge
schlagen/ das er für todt gelegen ist/ damit ist er probirt
worden. Man list das sanctus Anthonius inn einem
grab oder in einer hülle sei gelegen/ da seint zū ihm kum
meneinmenge der bösen geyst/ die ihn mitt mancherley
beleydigung also zerissen vnd zerzett haben/ das in sei
ne diener auff ihren achseln zū seiner herberg habē müß
sen tragen. Vnd da diß seine nachbaweren vernomen/
mainten sie er were todt/ vnd ihn seer bewainet. Vñ als
der lieb heilig Anthonius nach mitternacht widder zū
ihm selbst kommen/ vnnnd erquicket was/ hat er seinem
knecht widerumb in in das grab zūtragen gebottē. De
nach auß der tugent des gemüts sancti Anthoni/ dmit
er

144
er die vorhenden wunden so gedultiglich gelitten/ wu-
den die bösen geist aber bewegt/ vnd verwandelten sich
in mancherley gestalt der wilden thierer/ vnderstund
ihn mit ihren hörnern/ zänen vnd klawen zu zerreißen.
Als balteschein ein liechter schein/ der verjagte die bö-
sen geister/ damit wurde sanctus Anthonius gesundt/
vnd verstund Gott den herren Jesum Christum bei ihm
gegenwertig sein/ vnd sprach/ O du gütiger Jesu/ in w-
nōrin bin ich so lang gewesen/ Aber dein handt zū belffz
hat kein zil noch maß. Da ward ein stimm gehort/ Ich
binn bei den meinen biß zu end der welt/ vnd hab wöllz
erwarten den sieg deines streits/ Vnd seidmals du man-
lich hast gefochten/ so wil ich machen das dein nam inn
der gangen welt erkannt vnd genent werden soll. Diese
histori schreibt Vincentius im xiiij. buch/ vnd sagt/ das
die also Athanasius auffgezeychnet hab. Item/ so stat
auch Jacobi primo geschriben/ Selig ist der man der p-
sucht wirt/ so empfahet er die kron deß ewigen lebens.
Sigmund. Nun haben wir genugsamlich erlernet/ dz
auß zū thun der bösen weiber/ weder ongewitter/ hagel/
noch ander gebrechen kommen mögen/ sonder allein vß
dem natürlichen lauff der element/ oder auß der pbenck-
nuß der göttlichen gütigkeyt/ die dann zur straff
den menschen/ Gott dem teufel zu üben
verhenckt. Nun weiter. Vl.

**Schluszred auff die dritt frag. Ob die
behen können die man vnd weiber on-
beerhafft machen.**

Sie vermögen/wie nu oft gesagt/on Gottes ver-
 schencknuß nichts/ Darumb so es ihnen Got nit ver-
 benckt/seint ihr ceremonien/die sie zu solchem hex-
 enwerck brauchen/gar nichts. Aber der eingrieff des
 teuffels/so es ihm zugelassen/nimbt ettwas da/lämbt
 ihn die nieren. Wie ein fischer in das wasser greift/vñ
 ein fisch zertrückt/das er stirbt/also greift der teuffel
 in die lenden/vnd nimbt die vrsach des geberens. Was
 chet auch sunst krauck beyten in lungen/lebern/hirn. 2c
 dann sagt man/sie haben Katzenhirn gessen/das ist eyn
 superstition/dann das alles durch den ascendenten be-
 schicht/Wie auch des mans glied in teuffig zusetzen/vnd
 nachlauffen den weibern.

Schlussred auff die vierdt frag! Ob die
 heischen weiber können durch hilff des teuffels
 sich selbs/oder ander menschen in an-
 der gestalt der thierer verwandlen.



Nach. Auß obgemelter vrsach/so vermögen sie
 solchs/doch alleyn mit einem schein/das zu latin/

145
prestigium wirt genannt. Sigmund. Was ist prestis-
gium. Vlricus. Es ist ein schein damit ein gestalt für
ein andre wirt gescherzt / damit die augen werden be-
trogen / vnd einer wenet ein ding hab ein andre gestalt
dann vor augen ist / vñ behalt doch ein jeglichs sein rech-
te form / wiewol vnser augen betrogen werden. Also be-
trog Simon magus der zaubrer Keyser Nero / auch des
henckers augen / wann als der hencker wond er hett Si-
mon sein haupt abgeschlagen / da hatt er einem gaisß
bock sein haupt abgehawen / seine augen waren jm mit
dem teuffel also verstrickt vnd bezwengt. Item so list
mann von sancto Nachario / als dann ihn meldet Vin-
centius. xviij. libro historiali / Wie zū zeitten ein Egip-
tischer man in inbrünstiger liebe gegen einer ehewrauen
was gefallen / vnd begird hett bey ihr zū schlaffen / vnd
doch solichs nit wol zū wegen bringen mocht / angesehen
das die selb frau jren ehelichen man schon vnd lieb hett /
vñnd an jm from was. Also erbath der selb Egip-
tischer man einen zaubrer / dz er durch sein zauberey
schaffte das in die frau liebte / vnd dz sie ihr ehelicher man feind-
te / vñnd sie von ihm schlug. Also ward dieser zaubrer
mit gaben vberkommen / dz er durch sein zauberey mach-
te vnd zū wegen brachte / das die frau einem roß gleich
sabe / also wer sie an sahe der wond sie were ein roß. Des
zūfals ward ihr ehelicher man betrieht / do er ein roß
an seinem beth fand liegen / also er dann wondt / redt mit
ihr / aber sie gab ihm nit antwurt. Vff diß berufft ihr
ehelicher man die Priester / zū sagen wie diß zūgegan-
gen were / des kundt er von ihnen nit vrsach erkunnen.
Am letzten ließ er sie binden auff einen karren / vnd fu-
ren zū sancto Nachario dem einsidel / vnd do er also zū

G sanct

sanct Wacharij zell nabet/da strafften ihn die münch/
warum er ein roß also in das Closter fürte. Antwort
er/Diß ist mein eheliche fraw/ist also zū einem roß ver
wandlet worden/vnnd ist heut der dritt tag/das sie nie
kein speiß versucht hat. Nach dem sancto Wachario so
lichß ward angesagt/dem dann solichß Gott vor künde
gethon hett/sprach sanctus Wacharius/Ir seint rösser
vnd haben roß augen/wann dises ist nit ein roß/es ist
ein fraw/ist auch nit verwandelt in ein roß/sonder eu
wer augen seint also verstrickt/vnnd betrogen worden/
damit goßer das heylig wasser in sie/vnd thet sein gebet
zū Gott/so balt diß geschah/erzeygt er sie menschliche/
da sahe man das sie ein fraw was/vnnd hieß sie speisen/
ihrem eheman widerumb geben/vnd sprach zū ihr/das
sie fürter von der gemeynschaft der heiligen göttlichen
wercken/vnnd von dem gebett der heiligen kirchen sich
nit absündern solte/dan solchs sei ihr begegnet/darum
das sie in fünff wochen zūm göttlichen dienst nit gangē
wer. Da nimb war/wie wol die augen der menschē ver
strickt waren/damit sie weinen wolten/die fraw wer zū
ein roß worden/danocht waren die augen sancti Wa
charij nit verstrickt. Sigmund. Dise histori dient wol
zū diser frag/die ich beger zū wissen/wie es zūghon mög
damit ein gestalt für die ander in den augen der mensch
en gschetzt werde. Ulrich. Mit vrlaub derē die sich mer
dann ich solcher sachen verstanden/wil ich zwo oder dry
vsachen erzelen/wie dan ich diß mit einer schlechten ver
nunfft mag begreifen/vnnd mich also laiten auff die
mainung sancti Thome. ij. Sentenciarum/distinctio
ne. viij. vnnd bedunckt mich also zū reden/Das der teu
fel mag vnderweilen vnserē sinn betriegen inwendiglich
in

inn einer phantasei mit einem innwurff etlicher inbildung in der wirckung der phantasei vnd betrachtung/ also bewegen/ damit solche inbildung zu der außwendigen sinnligkeyt flissen. Wann dann auß der bewegnuß der phantasei oder traum inn dem schlaff solche fleusset zu der außser sinnligkeyt/ als zu den oren oder augen/ so bedunckt vnns/ das wir viel sehen das doch im grunde nichts ist/ diß erkunnen wir ab den die in ihrem hirn zer rütt oder dobig sein. Desgleichen an den/ die dann das scharpff feber oder kalten siechthumb leiden.

Zu dem andern so mag diß beschehen/ so einer als vest vnd gantz in ein spinckesei/ phantasei vnd betrachtung kumpt/ damit er sein selbst vergift/ vnd maint/ das vor seinen augen etwas stände/ wie er dann diß inn seiner betrachtung gefasset hat. Vnd darumb sagt sanct Augustin also/ Das auff ein mal einer so gantz bedacht dy schonheyt einer frauen/ vnd so groß wollust in seiner betrachtung hett/ das er wachentlich mainet/ er were bei ihr in allem wollust. Seittemal aber sollche weiß vnnd weg dem teuffel auch nit vnbeckenlich sein/ so main ich/ das der teuffel vnser augen vnd ander sinnligkeyt also mög außföhren vnd schicken/ damit ein ding für das ander werd gesehen vnd geschetzt. Dann wir sehen oft/ so einem hitzigen frackten febricitirer sein zungendrücke wirt/ das dann ihn beduncket alles das bitter zu sein dz doch sunst süß ist. Desgleichen auch vnderweilen auß fracktheysten der augen/ so bedunckt vnns/ was wir sehen es sei alles geel/ oder roth/ das vileicht sunst weiß oder grün ist. Also mag auch der teuffel das mittel des gegenwurffs der sinnligkeyt also mustern vnd schicken/ damit ein ding für das ander scheint/ dan als Bonauetu

ra sagt/ so mag man oft durch künstlich art ein licht al
so zürichten/ damit man wehnt/ das ströwe helm/ nater
lin oder schlenglein sein/ Solcher ding können die gaug
ler viel. So aber der teuffel der gauckler meister/ so soll
niemants zweiffeln/ dann das der teuffel diß subtiliger
dann die gauckler kann züwegen bringen. Zü dem drit
ten/ so sieht mann vnderweilen nit ein ding/ sonder eyn
gleichnuß eins dings/ vnd also nach dem vnd glosa san
cti Augustini sagt/ hat sanctus Petrus gesehen/ dz was
von dem himel herab lon/ darinnen erschienen sein alle vier
füßige thier/ vnd alle kriechende würm des erdrichs/
vnd alles gefögel des himels/ wie dann das geschrieben
stah Act. Apost. am x. Also hat auch sanctus Bene
dictus durch einen gesamleten schein der Sönen vor sei
nen augen gesehen die ganz welt in erzeygung aller din
ger gestalt. Darumb auß diesem entspringen weiter
fragen.

Schlußred auff die fünffte frag | Ob
solche weiber auff einem wolff/ oder einem ge
salbten stecken reiten/ vnd sie miteinander
trincken/ essen/ vnd reden können/ vñ
sich selbs vnder einander erkennen
mögen.

Sigmun. Wiltu frewt dein mainung vff diß frag
stück auch züuernemen. Ulrich. Du hast erkun
net auß den vorgehenden sprüchen/ wie vnderweilen
inn dem schlaff/ vnderweilen wachent einem menschen
also ein starcke betrachtung vnd fantasia züfallen ma
ge/ das ein mensch glaubt/ es sehe es warlich also/ dz im
dann.

dann in seinem betracht für gefallen ist. Des gleichen
 hastu gehört/ wie vnderweilen der teuffel die augen vñ
 die sinnligkeyt der menschen also bezwengt/ damit sie so
 mainen/ sie sehen oder thuen etwas das doch nicht ist.
 Vnd damit du mich vermercken mögest/ so will ich dir
 ein histori sagē von sancto Germano/ von dem list man
 also/ Auff ein zeit sei er in einem wirtzhauß gewesen/ ha
 be zū nacht gessen/ vnd also nach dem nachteßin werde
 ein newer tisch bereit/ deß sich dan sanctus Germanus
 verwundert/ ließ fragen den Würt/ wem dieser tisch vō
 newem bereit würde/ ward ihm geantwort/ etliche gü
 ten mannen vnd frawen/ so dann bei der uacht wandel
 len/ also wacht sanctus Germanus die nacht. Dē nach
 ersabe er ein menge der bösen geister in gestalt der men
 schen/ man vnd frawē/ zū dem tisch kōmen/ auff diß ges
 bote sanctus Germanus den bösen geistern/ das sie nit
 von dannen weichen solten/ also lange/ biß er das gang
 hauß volck auffwäckte/ wäckte damit dz hauß volck/ vñ
 fraget/ ob sie diese personen/ so bei dem tisch sassen/ kan
 ten/ sie antwurten ja/ wañ sie weren ihre nachbawren.
 Vff diß da schickt der heylig Germanus zū solcher nach
 bawren hewser/ vnd ließ erkunnen/ ob sie daheim in iren
 heusern weren. Also fand man jeden in seinem hauß an
 seinem schlaffbeth rasten. Demnach beschwūr sanctus
 Germanus die bösen geister/ die sagten wie sie teufel we
 ren/ vnd also die menschen betrögen. Da nimb war/ dz
 die geister in gestalt der menschen mögen erscheinen/ als
 so das die menschen mainen/ sie seient auch rechte mens
 chen. Vnd auß dieser histori magstu wol abmercken/
 das vnderweilen ein mensch mag an ein end durch eyn
 geister erscheinen/ vnd mit seiner person an einem andern.

end sein/wann als du gehört hast/so sein auff ein zeit dy
menschen am betth in ihren heusern gelegen/vnnd doch
dazūmal durch die geist in ihr gestalt in dem wirtzhauß
erschienen. Also hat der teuffel die augen der menschen
kñnnen bezwingen. Desgleiche list man von Simon
magus dem zauberer in sanct Peters Legend/das auf
ein zeit Simon magus vor dem keiser Nero sei gestan
den in seiner kammer/vnnd doch da vornen mit dem vol
cke da zūmal hab geredt/welchs durch den teuffel in sei
ner gestalt geschehen ist. Der gleichen list mann auch
von den Engeln vnd gñten geistern/wann man list von
sancto Ambrosio/dzer in der statt Thuron sanct Mar
tin sein begrebnuß begangen habe/wann Ambrosius
sagt selbst/wie er sant Martins leich gedient hab/doch
nach der erwachung hab er nit mögen die letzte oration
vnd gebett volbringen/vnnd was doch sanctus Ambro
sius auff die selbe zeit zū Meylandt/welch dann auch
vil tagreiß von Thuron ligt. Darumb maint Egidius
in seinem quodlibet/das ein engel inn der gestalt sancti
Ambrosii zū Thuron bei der begrebnuß sei gewesen/vñ
sanctus Ambrosius mit seinem leib zū Mailandt gwe
sen. Sigmund. Was mainstu mit dieser histori. Vl.
vil ist darauff zūnemen/das oft ein mensch an ein end
vns bedunckt zū sein/vnnd doch nur ein geist in seiner ge
stalt da ist/Darumb sagt wol der text in Capitulo Epi
scopi xxvj. q v. also/Diñ ist auch nit zūuerhalten/das et
liche böse weiber die sich dann hinder sich keren/vnnd dē
teuffel ergel n/seiner betrugnuß vnd phantasei glau
ben/also verfür̃t werden/vnnd damitt mainen/sie faren
mit der haidnischen abgöttin Diana vnd Herodiade/
vnd

vnd mit viel andern weibern bei nächtlicher zeit/vñ reiten auff den thierern in der stillen nacht durch vil wege des erdtrichs. Aber wolte Gott/spricht der text/das dy selben weiber allain inn ihr bößheyt verdurben/vñ nit ander weiber zñ solchem vnglauben auch verfürte/wann ein vnzehliche mengewirt also durch ihr falsche mainung verfürte vnd betrogen/damit sie von dem rechten glauben abweichen. Sigmund. Tu mögen doch die menschen auff den thierern reiten/es seien Ross/Esel/Kamelthier/Ochsen/oder anders. Ulrich. Das wider rede ich nit/das die weiber nit möchten auff Ross/Esel/Kamelthier/vnd andern reiten/als andre menschen/nach dem lauff des natürlichen gelesß/aber vnser frag laitet sich vber den gemainen brauch/auff die mainung/das sie in einer stund zehen oder zwentzig meilen wegs von einem endt an das ander faren/vnd wollust suchen/als dann der obgemelt text sagt. Sigmundus. Wie kompt es dann das sie ander menschen auß andern stätten erkennen/die doch sie vor nie gesehen haben. Ul. Die vnderrichtung hast du vor gehört/wann der teuffel truckt in ihr gemüt solcher menschen gestalt vnd bildung also hart/damit sie mainen sie haben die leiblich gesehen vnd erkannt. Sigmund. Wir haben genug von

diesem fragstück geredt/also wollen wir nñ erfor-

schen/Ob der teuffel bei solchen weibern

in gestalt der menschen schlaffen vnd

ligen/vnd ob dann darauß ein

der geboren werden

mögen.

Schluss

Schlußred auff die sechste frag / Ob
der teufel inn gestalt der menschen bei sollichen
weibern schlaffen / vnd vnkeuscheit treiben/
auch / ob auß solcher vnkeuscheit kind
geboren werden mögen.

Urich. Wiewol vormals spruch vnnnd ursach / des
gleichen exempel vnd histori zů entschaidung dieser
frag genugsamlich seint angezeygt / jedoch damit
wir zů dem beschluß kommen. Sag ich / das auß dē teu
fel vnd einem weib nit mögent kinder geboren werden /
wann es ist nie kein mensch gefunden worden / der on mē
schlichen samen von einem geist entpfangen / vnd weib
lichem bild geboren worden sei / dann alleyn vnser herz /
Jesus Christus / der auß barmhertzigkeyt des hohē got
tes on menschlichen samen von dem heyligen geist em
pfangen / vnnnd von der rainen juncfrawen Maria ist
geboren. Darumb so mag nach meiner mainung kein
mensch von dem bösen geist geboren werden. Vnnnd wie
wol Plautus der Poet in seiner Comedia sagt / wie Her
cules von Jupiter dem Abgott vnnnd der frawen Alcu
mena geboren sei / vnd desßhalb der mittel sun / zů latin /
Medius Fidius genennt werde. Auff die mainung / dz
der selb Hercules / halb auß dem menschen / vnd halb vß
dem abgott Jupiter geborē sei / so ist doch diser fabel kein
glauben zů geben / wann es ein poetisch ertichte mer ist.
Sigmund. Was sagstu dann zů der obgemelten gloß /
Gen. i. die da sagt / das auß solchem vnkeuschen werck
die Nisen geboren sein. Urich. Da sag ich das die glo
ß zweiffelich vnd nit endtlich redt. Sigmund. Was
sagst

Sagst du dann zu dem text der da spricht/ Es sein Risen
 geboren. Vlrich. Da sag ich das zu den selben zeit R
 sen auferstanden sein/ sei also zu mercken/ das gewaltig
 großmchtig menschen sein auffgestanden/ vñ die man
 von ihr großmchtigkeit vnd gewalt wegen hat Risen
 genent. Sigmund. Was sagstu dann von dem obge
 melten Werlino in Britannia. Vlrich. Da verma
 ne ich/ er sei ein rechter mensch gewesen. Sigm. Wel
 ches fun. Vlrich. Von menschlichem vater vnd mut
 ter. Sigmund. Wie hat dann sein muter vor dem kö
 nig in Britannia bekennet/ das sie ihn vom incubo vnd
 geist empfangen hab. Vlrich. Als mich beduncket so
 hat die mutter geirrt/ vñnd ist betrogen von dem bösen
 geist worden/ indem das sie gemaint hat/ sie hab Werli
 num von dem teuffel entpfangen vnd geboren. Sigm.
 Wann ist er dann empfangen? Vlrich. Also maine
 ich/ nach dem vñd sich die mütter laider dem teuffel er
 geben hett/ das dann der teuffel in ihr gemüt vnd phan
 tasei ein solche starcke inbildung vnd betrachtung inge
 worffen hab/ damit ihr sinnligkeit bezwungen/ also dz
 sie gemaint hat/ er sei bei ihr gelegen/ vñd also durch die
 obgemelte kunst/ prestigium genent/ hab er ihren leib ge
 blebet/ mit lufft oder andern dingen/ damit sie hab ge
 wehnt/ sie sei schwanger gewesen/ vñd da dan die zeit der
 betrüglischen geburt kommen ist/ das dann auß verhe
 nuß Gottes von des vnglaubens wegen der teuffel der
 mutter schmerzen vñd wee in dem leib gemacht/ vñ den
 blaast so dann sie gehabt/ außgetrieben/ vñnd als bald
 dann ein ander kindt/ so er vor gestolen/ ihr verborgen
 lich vndergelegt hab/ vñd dann solch kind dy muter mit
 ihr betrogenlicher sinnligkeit genommen/ fürter auff

erzogen hab/ vnd doch dasselb kind vormalß geboren vñ
gestolen sei. Sigmund. Ab dieser red so merck ich/ dz
möglich sei/ vnd der teuffel gewalt hab vber die kinder/
auch die züßtelen/ vnd von einem end an das ander tra-
gen mög. Vlrich. Wann Gott diß verhenget/ so ver-
mages der teuffel/ besonder an diesen kindern die nit ge-
taufft seint. Sigmund. Beweiß mir diß durch eynen
spruch. Vlrich. Nimb deß ein spruch im geistlichẽ rech-
ten in capitulo/ Postea/ et in cap. Sacerdotes de conse-
dist. iiij. da sagt der text also/ So die priester durch die ge-
nad der beschwerung den glaubhaftigen ihre händ vff
legen/ so wider sagen sie dem bösen geist/ damit er in dem
gemüt der menschen nit wonen mög/ vnd deshalb thun
sie nichts anders dann das sie die teuffel austreiben vñ
aufwerffen. Desgleichen in cap. De hinc/ de consec. di.
iiij. sagt der text also/ Darnach so wirt das kindt aber
beschworen vnd exorzisiert/ damit der teuffel sein böß-
heyt erkenn/ vnd fürchte das gerecht gericht Gottes/ vñ
weiche von dem menschen/ vnd widerstreite nit mer dẽ
menschen mit seiner kunst züuerführen oder züuerkeren.

Auß disen sprüchen ist abzunemen/ das der teuffel die
ongetaufften kinder mag verkeren vnd verfñren. Dar-
umb auß diser erzelten mainung so beschließ ich/ dz die
kinder so zü Cöln von dem onerkanten ritter geborẽ wa-
ren/ wie dann obgemelt ist/ auch also gestoln vnd vnder-
geschoben sein. Sigmund. Sag war für hast du den
selben onerkanten Ritter gehabt? Vlrich. Für einen
bösen geist/ zü latin incubus genant. Sigmund. War
für hast du dann die kinder gehalten? Vlrich. Wir vz-
laub deren die mer dann ich wissen/ sag ich/ das sie recho-
te menschliche kinder/ die dann durch den teuffel gesto-
len.

len/vnnd also vndergeschoben sein. Sigmund. War
für hast du dann gehabt die frawen die in dem meer ges
badet in Cicilia/ die dann der jüngling inn dem wasser
ergreiff/vnd sie zü einer ehefrawen nam. Vlrich. Für
den teuffel/zü latin succubus genannt. Sigmundus.
War für hast du dann gehalten den sun/den die frawe
nach ettlichen zeitten inn dem wasser wider begriffen
hat. Vlrich. Für den teuffel der sich inn einer gestalt
eynes Kindes also erzeyget hat/wann als Helimandus
inn der selben historien schreibt/So ist gar nit zweiffel/
wer der selbig sun ein rechter mensch gewesen/so wer er
im meer ertruncken/Vnnd nach dem er dann ertrunck
en were/so hette ihn das meer auß an das gestad gwoz
fen/welches doch niergent geschehen ist/vnnd ist doch
zwar auch doch des meers art/das es die todten leich
nam an das gestad außwerffe. Sigmund. Tu vers
mainen viel so der teuffel als ein succubus in weiblicher
gestalt bei einem mann liege/so emphange er das sper
ma/das ist/des mannes samen/behalte ihm den/vnnd
darnach so verwandelt er sich zü einem incubo/in men
schlicher gestalt als ein man/vnnd so er dann bei den bö
sen weibern liege/so giesse er solch empfangen sperma in
sie/darauf dann kinder geboren werden. Vlrichus.
Dis beduncket mich onmöglich zü sein/wann ob gleich
wol der teuffel das sperma/das ist/den mannlichen sa
men samlen vnnd behalten möchte/so balt dann der selb
big manlich samen von den menschen außgegossen ist/
oder wirt/vnd aber doch nit in der frawē zell von stund
an ingegossen/dz dan der selbig sam forter onfruchtbar
sei/dan Conciliator in der artzney sagt differentia. xxv.

also/ Du solt wissen das diß glied/ das seint die heymen
deß mans/ der geburtlichen krafft/ Fürst ist/ vñ wie wol/
als Galenus maint/ es sei auch sonderliche krafft in dē
heymen/ die zū latin testiculi genent werden/ so mögen
sie doch ihr übung durch sich selbs nit verbringen/ dann
alleyn durch inwendig krafft/ die dann mit ihr maß vñ
quantitet wol getemperiert sei/ vnd also von dem hertze
gange/ darumb so ordnet man dem samen sein natürli-
che werme zū auß der hertzlichen krafft/ damit er sein ü-
bung zū geberen volbringen mag/ vnd ist die krafft der
heymen ein dienerin darzū/ Vnd ob gleich wol in den et-
was auch herrschet/ so dienet die doch nur zūm teyl vnd
nit zū der volkōmenheyt. Also auß disem spruch so be-
schließ ich/ Dweil der teuffel die krafft die dann ihr tu-
gent vnd geistlich krafft an fencklich auß dem hertze zur
geburt wallet/ nit empfahen mag/ wie wol dann er vil-
leicht den samen gehalten mag/ so mag doch alleyn auß
der ingießung deß samens on ander krefft vnd tugent
darauf nichts geboren werden. Sigmund. Nun also
auß den obgemelten sprüchen vnd vrsachen vermercke
ich das du deinen füß darauff setzest/ damit entweder
solche kind gestolen/ oder phantastig kind sein/ also das
sich der teuffel in gestalt solcher kind mög darthun. Vl.
Du hast es wol gemerckt/ vnd auff der mainung so lai-
tet sich auch Vincentius inn dem dritten buch historie
naturalis in cap. cxxviij.

Schlußred auff die sechste frag.

¶ Vdem siebenden/ Das alleyn Gott der gerecht vñnd
gewißschawer ist künfftiger dingen/ vnd allein auch
gwiß der menschen gedencen waist/ vnd das der teufel

weder durch sich selbs noch durch die zauberer warlich
 künfftige ding nit vor sagen kann. Anders so er dann
 diß von subtiligkeyt seiner natur auß dem lauff des ge-
 stirns/oder geschickligkeyt der element erkunnen mag/
 oder so ihm Gott ettwas zůthun verhenckt hat/ oder so
 er ettwas den menschen inbilden oder inblasen will/oder
 so er ettwas auß der menschen sitten vnd gebert vermer-
 cket/vnd dannocht so betrügt er die menschen/vnd wirt
 auch oft selbs betrogen. Sigmund. Nun haben wir
 genug von disen dingen geredt vnd gedispurirt/vnd ge-
 bürt sich das du vns zů gedechtnuß in artickels weiß ey-
 nen beschluß aller sorgenden fragen mit kurtzen worten
 machest. Ulrich. Mit vorbehaltung der mainung al-
 ler deren die mer dann ich können vnd wissen/den selbē
 mich auch on widerstrebūg vnderwürfflich mach/ so ist
 mein beschlißliche determinatio also.

Zumersten vnd andern/das der teuffel/weder durch
 sich selbs/noch durch zůthūn der menschen mög den ele-
 menten/noch den menschen/oder thierern schaden zůfü-
 gen/oder sie ongeberbafft machen/dann allein so diß im
 zůthun auß verborgenlichem gerechten gericht Gottes
 zůstraff vnser sünd verhenckt wirt/vnns zů probiren/
 damit die glori vñ gewalt götlicher maiestat desto reich-
 licher gebriesen werd/darumb dann auch Pharaο ver-
 stopfft ward.

Zum dritten/so die göttliche fürsehung durch das ver-
 borgenlich gericht seiner gütigkeyt dem teuffel vns zů
 schaden verhenckt/das dann der teuffel solchen gewalt
 vnd verhengung nit weiter ge brauchen mag dann ihm
 von Gott verhenckt ist.

Zu dem vierdten/wie wol durch die göttliche miltig-
rigkeyt verhenckt wirt von vnser vnghaubes wegen/
oder auß ander vrsachen so ob erzelt sein / vnser augen/
oder ander vnser sinligkeyt zü bezwengen/damit die mē-
schen mainen sich an einem andern end zü sein dann sie
sein/oder das sie sehen ettwas das doch also nit ist/dan-
nocht vermag der teuffel keinen menschen/noch kein thē-
er warlich in ein ander gestalt dan es ist/verwandlen.

Zu dem fünfften/das solche böse weiber zü stiller nacht-
licher zeit niendert wandeln/so vil meilwegs/wie dann
ob gemelt ist/auch in solcher maß nitt zü samen kōmen/
dann alleyn das ihnen solchs in ihrem schlaff/oder auß-
ser der starcken inbildung des teuffels in die phantasei
des menschen/vnd mit dem gegenwurff mancherley ge-
stalt/so er ihnen erscheint/vnd also hart/das sie weinen/
es sei ihnen also wachen warlich begegnet/vnnd damit
sie also in ihrem vnghauben betrogen werden.

Zu dem sechsten/das der teuffel/weder als eyn incu-
bus/noch als ein succubus/kein kindt geberē mag. Ob
aber solche obgemelte kindt erfunden wurden/das sie dy-
selben eintweders gestolen odder phantastig kindt seien/
wie oben gemelt ist.

Zu dem sibenden/das alleyn Got der gerecht vnd der
gewiß schauwer ist künfftiger dingen / vnd alleyn auch
der menschen gedencen waist / vnd das der teuffel we-
der durch sich selbs/noch durch die zauberer warlichen
künfftige ding nit vor sagen kann. Anders so er dan diß
von subtiligkeyt seiner natur auß dem lauff des gſtirns
oder geschickligkeyt der element erkennen mag / oder so
ihm Gott ettwas zü thun verhengt hat / oder so er ettwas
den menschen inbilden oder inblasen wil / Oder so er ett-
was

was auß der menschen sitten vnd gebert vermerckt/ vñ
dannocht so betreugt er die menschen/ vñnd wirt auch
zum offtern mal selbst betrogen.

152

Schlußred auff die achte frag/ Das mann die hexen mög mit Keyserlichem Rech- ten tödten.

Zu dem achten/wie wol im grundt die bösen weiber
vngewitter vnd solichs nit machen können/ nichts
besser minder durch inblasung vnd raigung des teu-
fels/ oder durch verzweiffelung/ oder durch armut wil-
len/ oder von neidt vnd haß wegen/ so sie vnderweiln zu
ihren nachbawren haben/ oder auß ander versuchung
des teuffels/ damit sie angefochten werden/ vñnd dweil
sie dan solcher anfechtung nit widerstahnt/ sonder sich
von dem milten waren Gott schaiden/ vñd sich dem teu-
fel ergeben/ auch mit opffer ihnehren/ vñd also ab dem
glauben abtrünnig werden/ vñd in solch lästerlich keze-
rei fallen/ so folgt hernach der beschuß dises Tractats/
Das man solch böß weiber von ihr abtrünnigkeyt vñd
kezerei/ auch von ihres verkerten willes wegen/ die dan
also von vnserm aller miltesten Got seint gewichen/ vñ
sich dem teuffel habenergeben/ vñd dem nach auß key-
serlichen Rechten soll vñd mag man sie tödten/ vñd
disß stahet geschrieben in Keyserlichem Rechte
buch/ Codice de maleficis et Mathe-
maticis. lege/ Multi.

Also ehrenreichster Fürst/wöllst empfaben die dispu-
tacion dieses Tractats / den ich zū lob deiner hochmeh-
tigheyt / vnd zū erleuterung guter gemüter vnder corres-
ption deiner durchleuchtigkeyt gemacht hab. Vnnd ob
du ettwas darinn fündest das nit gebürlich wer / odder
das von dem schragen der warheyt irzte / solchs wöllstu
meiner onwissenheyt zū messen / vnd mich als deinen di-
ner gnediglich befolhen haben. Damit allerehrenreich-
ster Fürst / vnd ewige gezierd vnserer land / den Got
vnd die welt liebet / gesegen dich Gott / vnd sage
dir vale / Amen.

Datum Costentz Anno Dom. M.
cccc.lxxxix. x. Januarij.

Deiner erböchsten Fürstlichen genaden des
miltiger rath vnd diener Ulrichus Mos-
litoris von Costentz / in den Rechs-
ten doctor. 2c.

